

光緒江西通志

江西通志卷一百二十

勝蹟略三

冢墓二

陳

高祖先墓在新城小合嶺下

名勝志

唐 後唐

南豐令游茂洪墓在南豐樟潭并妻子凡三冢春秋有

司致祭

謝志

刺史危全諷祖墓在南城三都界潭

謝志

鄧紫陽墓在南城麻姑山

謝志

劉元載墓在南豐劉家窠宋曾致堯志銘

謝志

宋

贈諫議大夫曾致堯墓先葬南豐縣東園後改葬龍池

鄉王安石志銘謝志

直講李觀墓在南城縣北鳳凰山門人陳次公志銘明

成化三年盜發冢知府謝士元具棺衾易葬謝志明

墓建祠疏伏觀天順八年正月二十二日詔書內一款

各處帝王陵寢及名臣賢士墳墓有被人毀發者所在

有司即時修理如舊令附近人民一丁看護免其差役

此皇上仁厚之盛心曠古所無之令典也臣原籍江西

建昌府南城縣人竊見本縣有宋太學說書李觀墓在

鳳凰山麓祝穆方輿勝覽紀觀無子孫每歲春秋守貳

同學官拜掃以為故事歷年既久不惟拜掃之典已廢

而其墳墓亦為樵牧踐蹂若更數年必致毀夷臣考得

李觀立心高古履行修整竭力養親雅尚恬退倡立財

江書院講明正學訓迪生徒學耆稱焉泰伯先生其所

著述有易論禮論共二十篇富國安民強兵策各十篇

明堂定制圖序周禮致太平論皆足以羽翼聖教明

治體又有平土書二十章得井田之遺意慶厯民言三

十篇論時政之得失其他文章若太學議袁州學記之

類皆可矜式當時名臣范仲淹余靖交薦其賢先儒朱

熹稱觀周禮論與其意合聖朝纂修五經大全觀所立

言亦見采錄臣聞古者鄉先生沒則祭於社如鄉先生而
 謂一代之名儒後學之師表不但如古所謂鄉先生而
 已今墳墓荒蕪豆不食及臣竊惜之欽惟國家崇儒重
 道以壽斯文之脈以符太平之運如蒙准言乞敕該部
 行移有司封其塋域崇約樵牧照例令附近人民一丁
 看護仍於墳所量立祠宇歲時致祭則於風化不爲無
 補矣羅倫建昌府重修李泰伯先生墓記生而必死
 聖賢無異於眾人也死而不亡與天地並久日月並明
 其惟聖賢乎泰伯先生其亦聖賢之徒乎先生姓李氏
 諱觀字泰伯學通五經尤長於禮以文辭自立其言大
 而正郡治北有鳳凰岡先生創書院其下學者千餘人
 南豐曾子固其高弟也范公仲淹余襄公靖交薦之召
 爲太學說書卒年五十一葬鳳凰岡之麓寶祐二年郡
 守楊煥立興文堂以祀之開慶元年郡守曾坐更其堂
 曰思賢右立盱江書院仍舊名也書院廢而先生之墓
 墟矣成化三年春長樂謝公士元來守郡夢先生對浮
 大白飲覺而異之翼日有白於府曰盜發先生墓矣太
 守具棺衾將易葬焉政壇視之曰大白宛然夢中見者
 於是議請祠如故事會吏部主事左公贊以請命下立
 祠於南名曰景賢賜以少牢春暮行禮歲如初又募閩
 石工大營塚壙塋以石爲之壙中高五尺廣視高損一
 深視廣倍之中資加塋外固以石前廣若堂練以周垣
 湖西羅倫辦香謁之太守述其夢曰先生之沒距今四
 百十三年矣而精神感通有如此者蘇子曰不依形而

立不恃力而行不待生而存不隨死而亡者其此之謂
乎回視煙草中冢繫纍然太守嘆曰是庸非人乎哉倫
日何獨此也古者富貴而湮沒當時逸樂歿不能自保
其身後者何可勝道先生以誅屋寒夫初無一命之榮
尺土之富而身後之榮終乎天地焉君子其知所擇
矣因遂記之以告邦人庶有間先生之風者

中書舍人曾鞏墓在南豐崇覺寺右宋元以來袞曰儒

學師生例祭其墓謝志宋韓維墓銘猗嗟子固文與

其著彌彌發為文章一世大驚其斯幼則大成學富行茂

不聽瑩徑前無聞斲廢藥瘍荆昏剔瞶波濤法法東入

於海姬淪劉亡文弊詞靡引商導羽偶六駢四組繡芬

葩不見粉米公於其開騰揚虎視發輝與雅祛斥浮累

巍然高山眾人仰止棲遲楊曹翔翔大歎稼荒於畝興積

薪之楚出貳於越究問疾苦屬歲大歉稼荒於畝興積

於民發藏於庾既助既補疾苦屬歲大歎稼荒於畝興積

母一麾出守六土郡既振張領目補葺列弊庭不留訟

獄無濫繫勞之來之既勇以遂公暇海服有命來觀帝

日汝賢毋遠王室其代余言汝日嘉謀入則造膝公用不

絀繹百官正名維公訓敕忠言嘉謀入則造膝公用不

竭公志不卒偉望廣譽如星如日百可備兮公名不沒

蕭蕭松檟昭荒阡久無世胄崇祠像續有山僧守墓田

此行莫春回修廢典佩衿雲合禮前賢

翰林學士曾肇墓在南豐梅潭皈信寺左楊時撰神道

碑謝志原案皈信寺宋至道間密國公鼎修置田爲

年郡守楊敏邑令許松信勸

著作郎曾庠墓在南豐龍池鄉曾鞏志謝志

房州司戶朱軾墓在南豐火夾嶺其子京官司業葬蛟

塘次子彥官侍郎葬龍池鄉延福寺側謝志

尙書鄧潤甫墓在新城縣禮教鄉普光寺後謝志

主簿曾宰墓在南豐龍池鄉曾鞏志謝志

司封員外郎蔡充墓在南城太平鄉西謝志

贈盱江郡侯陳宗禮墓在南城九都謝志

追封衛國公聶子術墓在南城龍塘無極觀側明嘉靖

開知府王度重修立神主於無極觀崇祀謝志

樞密副使李山甫墓在瀘溪縣五都龍溪槐坪謝志

南康簿王无咎墓在南城縣禮教鄉王安石志銘謝志

處士陳文藻墓在府東龍池李觀志銘謝志

贈縣尉王君王墓在南城裏屯之原王安石表其墓謝志

進士陳璆墓在南城太平鄉李觀志銘謝志

封清河郡侯張大經墓在南城縣良湖謝志

侍郎劉號瑞墓在南城十九都謝志

侍郎王義叔墓在南城水西謝志

徵士黃文晟墓在南豐石仙巖陸九淵志銘謝志

傅子淵墓在南城縣曾潭謝志

駙馬余鋒墓在新城大源鎖口紹興十一年鋒父去非

扈從孟太后有功許以公主配其子鋒後卒葬於此謝志

贈中散大夫何宏墓在廣昌石人嶺謝志

贈少師曾漸墓在南城太平鄉葉適志銘水心集

學士何坦墓在廣昌蓮花峯謝志

尙書包恢墓在南城縣南十五里明一統志

狀元張淵微墓在新城縣北廩山後謝志

謝元禮墓在南城縣元程鉅夫撰墓銘雪樓集

通判饒廷直墓在瀘溪翁嶺謝志

進士李淞墓在瀘溪陳畬元初徵求不就隱於龍馬峯

卒葬於此分省人物考

元

翰林學士程文海墓在南城四十四都繞堆學士危素

撰神道碑銘謝志

建昌路總管程翔卿墓在南城大盤山謝志

教授劉壘墓在南豐蔡家坑吳澄志銘吳文正集

著作郎程大本墓在南城十五都厚山謝志

修撰程世京墓在南城四都烏江山謝志

隱士陳子野墓在瀘溪陳坊謝志

曾氏粉娘墓在南豐超家嶺死紅巾之亂族人收其屍

葬之謝志

明

益端王朱祐檟墓在南城金華山益莊王朱厚煜在南

城二仙山益恭王朱厚炫在南城資聖山益昭王朱載

增在南城華蓋山益宣王朱翊釗在南城七寶山謝志

御史魏卓墓在南城六臺山後練子甯志銘金川王

參政李永年墓在南城大富山謝志

參議饒晞墓在南城麻源謝志

國子助教朱大中墓在新城前盈山謝志

禮科給事何澄墓在新城虛江何文淵志銘東園遺集

尙書何文淵墓在廣昌揭坊里蕭維楨志銘謝志

按察副使賴巽墓在廣昌佛流口何文淵志銘謝志

參政賴瑛墓在廣昌新坊里大翁山何文淵志銘謝志

通判李敏墓在廣昌吳田里何喬新志銘謝志

贈禮部侍郎張文質墓在南城麻姑山左時翊志銘謝志

吏部侍郎鄭誠墓在南城大富山楊士奇志銘楊東里集

布政使饒禮墓在南城銅盤石謝志

參政鍾旭墓在南城赤面石吳溥志銘謝志

侍郎揭稽墓在廣昌揭坊里徐瓊為墓表東谷集

按察使鄧榮墓在南城縣社林鄉死土木之難詔贈右

都御史其子瑞不得父遺體以平昔所收爪髮手帶衣

冠殮葬於此陳循撰神道碑謝志

布政使左贊墓在南城縣雲門寺後何喬新撰墓表謝志

饒雯峯墓在廣昌應山何喬新志銘謝志

尚書何喬新墓在廣昌譚家園林俊撰神道碑謝志

贈太子太傅張昇墓在南城上湖源羅玘志銘上峯集

禮部尚書羅玘墓在南城項山寺左費宏志銘謝志謹案南

城縣志玘葬金谿項山寺左金谿志同

贈太常卿夏良勝墓在南城鳳凰山下歐陽鐸撰銘謹志

文林郎鄭溥墓在南城羊公山羅玘銘曰郎官百里人

間有敕葬兩親天下無

圭峯集

通判蕭玘墓在南城沙溪朱大器撰銘

謝志

布政使張恩墓在南城麻姑山費宏志銘

謝志

刑部侍郎朱大器墓在南城北郊張一桂銘

謝志

苑馬少卿程燦墓在南城虎頭山下王材撰銘

黎川文緒

刑部郎中吳衍墓在南城官坊橋王材志銘

黎川文緒

御史左于貞墓在南城麻源羅汝芳志銘

近溪集

贈太僕卿鄧維垣墓在南城新城坪羅汝芳志銘

近溪集

贈禮部侍郎趙師聖墓在南豐龍武陂成基命志銘

謝志

郎中李泰墓在新城石峽嶺林俊志銘

府志

祭酒王材墓在新北門張位志銘

開雲館集

同知陳衮墓在新城仙居觀後夏良勝志銘

東洲初案

翰林待詔鄧元錫墓在新城盤溪許孚遠志銘萬廷言

撰墓表

謝志

太僕寺卿鄭悠墓在南城王公山鄒幹志銘

府志

祠部黃端伯墓在新城九都忠孝橋

縣志

尙書張櫨墓在新城龍尾保張位志銘

謝志

侍郎何源墓在廣昌監南里

謝志

推官何濤墓在廣昌吳田里何吾騶銘

謝志

鄧維屏墓在瀘溪嚴坑謝德溥銘

謝志

參政羅汝芳墓在南城曾潭楊起元銘

謝志

御史鄧澄墓在新城縣黎元寬志銘

謝志

太僕卿鄧鍊墓在南城縣快塘葉向高銘

蒼霞集

尙書涂國鼎墓在新城黃沙渡徐芳志銘

謝志

知府黃必登墓在廣昌白竹坪湯顯祖志銘

謝志

贈光祿少卿劉大年墓在廣昌潭山鋪

謝志

贈大理寺丞蕭漢墓在南豐楊家港

謝志

高士黃嘉縉墓在新城縣東魏禧撰墓表

謝志

國朝

贈詹事府少詹事梅錫墓在南城三都柯嶺大學士張

玉書銘

謝志

封翰林院庶吉士陶迪墓在南城北關外四總子成誌

謝志

湯來賀墓在南豐日月湖

縣志

謝文洵墓在南豐交溪

縣志

翰林院檢討陶成墓在南城蕭家鋪縣志

少詹事梅之珩墓在南城江坊縣志

進士陳道墓在新城十八都扶嶺縣志

侍郎魏方泰墓在南城章家陂縣志

侍郎譚尙忠墓在南豐黃竹坑縣志以建昌府

漢

赭亭侯李恂墓在弋陽雙窟嶺謝志

唐 南唐

丞相閻立本墓在玉山普甯寺後謝志

校書郎王貞白墓在永豐治西有碑刻曰唐校書郎王

有道先生之墓明景泰間知府姚堂修而表之謝志

曹公墓在鉛山縣曹名殷鄱陽人卒於長安歸葬於此

其妻周氏有自述志銘

謝志

司空桂卿墓在貴溪桂林里

謝志

宋

員外馬遵墓在弋陽歸仁鄉王安石撰墓表

謝志

贈光祿大夫應舜臣墓在貴溪大吉山

謝志

參知政事余堯弼墓在上饒永樂鄉

謝志

向子騫墓在上饒河山文簡之孫靖康死難贈官汪喬

年志

謝志

贈通議大夫鄭驥墓在玉山縣東死靖康之難救賜葬

衣冠於此明崇禎八年十八代孫鄭可遠立碑表其墓

謝志

贈開府儀同三司張叔夜衣冠墓在永豐靈鷲山寶積

院西明宏治壬戌知府王塘表之

謝志

祭酒徐元杰墓在上饒吉陽山

謝志

端明殿學士汪應辰墓在玉山北鄉二十三都

謝志

提舉浙東常平喻樗墓在玉山北鄉其子則成墓亦在

北鄉之匿坑

縣志

德興令韓大甯墓在玉山縣袁甫表曰純孝先生之墓

縣志

丞相陳康伯墓在鉛山九龍岡孝宗書其碑曰旌忠顯

德之碑學士金安節志銘又詔劉珙爲之銘

謝志

贈光祿大夫辛棄疾墓在鉛山虎頭門

謝志

敷文閣學士晁謙之墓在鉛之鵝湖山晁本植州人南

渡居信州卒葬於此

謝志

安撫使王埭墓在貴溪舒山金人入寇死之賜葬於此

謝志

龍圖閣學士周執羔墓在弋陽永平鄉

謝志

承信郎張琬墓在貴溪長湖

謝志

韓元吉墓在府城東

謝志

陳文蔚墓在上饒來蘇鄉

謝志

少傅趙士祜墓在鉛山招善鄉

謝志

永豐令王野夫墓在永豐祖印寺後

謝志

提刑謝枋得墓在弋陽縣南二十五里舊在京師文明

門外後其子定之奉柩歸葬於此

明一統志

隱士賈元放墓在鉛山北十五里東里趙蕃題曰有宋

詩人賈元放之墓

謝志

徐夫人墓在興安柏樹林夫人爲司空徐誼祖母江氏
精女科應詔醫皇后疾愈敕賜金帛歸卒葬於此謝志
義士李坤四墓在興安縣謝志

元

贈集賢學士張廣孫墓在貴溪長山之里虞集有神道

碑銘道園學古錄

處士彭鉉墓在貴溪永和鄉鉉爲汝礪裔孫字九萬危

素志銘太僕集

翰林劉光墓在上饒安集鄉謝志

總管府經歷祝蕃遠墓在貴溪饒橋縣志

陳靜明墓在上饒瑜山李存志銘縣志

明

渤泥國王叔墓在府城南三里永樂十年王進貢還國

卒於此有司爲葬焉

名勝志

大理少卿李奎墓在弋陽中墩山

謝志

僉都御史高明墓在貴溪金沙嶺何喬新有神道碑

謝志

都御史鄭齡墓在弋陽萬全鄉舒清志銘

謝志

監察御史李艾墓在上饒江家山夏尙樸志銘

東巖集

副都御史江潮墓在貴溪白溪坡

謝志

尙書汪俊墓在弋陽日輪山

謝志

侍郎汪偉墓在弋陽日輪山

謝志

給事王讓墓在府城茶山寺東

謝志

舒懷墓在玉山白石井以平姚源寇功有司修其墓立

碑建坊

謝志

贈監察御史詹軾墓在玉山縣鏡山

謝志

贈光祿少卿鄧容墓在永豐縣正統戊辰死賊難巡撫

楊甯御史韓雍聞於朝遣官諭祭治其葬

謝志

太保費宏墓在鉛山柴家埠夏言志銘

縣志

少保費宗墓在鉛山七都

縣志

尙寶卿徐貞明墓在貴溪五鳳山

縣志

婁諒墓在上饒龍潭

縣志

贈尙書楊時喬墓在上饒桂子鋪

縣志

大學士夏言墓在上饒鳳凰山其母匡太夫人墓在龍

岡上

白志

原案文憲貴溪人安志誤載其墓於貴溪

副都御史汪侏墓在貴溪大金山

謝志

大學士鄭以偉墓在上饒東五十里

謝志

國朝

編修蔣士銓墓在鉛山董家陂王昶志銘縣志

郎中鄭日奎墓在貴溪松洋縣志

項烈女蔡英墓在貴溪東門外知縣華西植撰墓碑縣志

以上廣信府

周

越女墓在餘干縣東北一里鄱陽記云越王女葬此謝志

漢

吳王芮墓在樂平縣東吳石山明一統志唐劉崇平四

十五里入婺源芮墓在婺源江鄉王謨江西考古錄

引水經注臨湘縣北有吳芮墓黃瑜六十八丈史記正

義潭州長沙縣本漢臨湘縣長沙王吳芮都之芮墓在

長沙縣北四里是芮墓不惟不在樂平即謂在婺源者

亦非真矣

英布墓在安仁金盤山鄱陽縣志云在城北一百五十

里謝志謹案王謨江西考古錄引史記黥布傳布軍敗走長沙王使人誘布殺之番陽茲鄉民田舍正義

日英布冢在饒州鄱陽縣北百五十二里十

三步謝志以為在安仁縣金盤山未知孰是

梅鎔墓在餘干縣之梅港明一統志

餘干侯陳靖墓在餘干大慈鄉謝志

族亭侯張遐墓在餘干福應鄉謝志

梁

鄱陽王蕭恢墓在鄱陽五里堡裔孫蕭穎士過盱眙得

發冢盜詰而知之尚河東集異記

唐後晉南唐圻

僕射金安墓在浮梁益源都其子叔彥耐葬謝志

進士柳敬德墓在安仁榮祿鄉咸通元年葬有碑名勝志

將軍朱遷墓在浮梁城門都

謝志

御史董全禎墓在德興縣八都

謝志

陳大夫軼墓在浮梁苦竹港

謝志

顯孝饒娥墓在樂平長城鄉柳子厚有碑記

謝志

孝子沈普母墓在德興縣北一十五里元和初有芝草

產其上

明一統志

尚書王璧墓在浮梁苦竹港

謝志

許夫人墓在鄱陽薦福山光祿大夫許知柔妻徐氏

謝志

宋

侍郎熊本墓在鄱陽薦福山

謝志

待制程節墓在浮梁長香都

謝志

狀元彭汝礪墓在府城延祥觀右

白志

原案安志墓在鄱陽藥鎚山章鳳

應續補志在浮梁屏山林
志在延祥觀未知孰是

高士章公量墓在鄱陽縣黃山谷爲作墓碣蘇文忠題

額表之

蘇章書

金谿主簿徐洪墓在鄱陽東門外曾鞏志銘

南豐集

洪忠宣皓墓在故縣其夫人沈氏墓在鄱陽西山子适

墓在義仁鄉遊墓在芝山遊墓在龍吼山

謝志

侍郎程振墓在樂平懷義鄉

明一統志

參議鮑昱墓在浮梁福義鄉

湖志

樞密徐俯墓在德興二十二都

謝志

參知政事張燾墓在德興縣一都

謝志

參政辛次膺墓在浮梁金沙灘靖康時知浮梁縣沒葬

此

謝志

樞密使汪澈墓在浮梁縣東義合都

明一統志

左朝奉大夫王剛中墓在萬年豐樂鄉

謝志

封鄱陽開國男余應球墓在德興月潭山後舊屬弋陽

謝志

贈少保張潛墓在德興縣南一里

謝志

鄭節士墓在浮梁縣西四十里建炎初攝縣事賊張琪

犯縣被害葬此

謝志

丞相趙汝愚墓在餘干縣南雕峯山子崇憲墓亦在焉

謝志

曹无妄墓在餘干萬春鄉栗田朱子表其墓今屬萬年

謝志

趙善應墓在餘干縣華林岡朱子志銘

朱子大全集

程公才墓在德興塘坳里卽端蒙祖塋也朱子有墓表

謝志

程端蒙墓在德興富春坑朱子有墓表

端蒙遺書

進士董銖墓在德興銀城九峯黃勉齋志銘

謝志

程伯圭墓在德興漁潭

程氏宗譜

鄒忠襄孟卿墓在餘干萬年鄉俗名茶馬墓

謝志案萬年鄉

今屬萬年縣

太常主簿柴中行墓在萬年新政鄉舊屬餘干縣

謝志

朝議大夫余安行墓在德興上林山舊屬弋陽縣

謝志

饒雙峯魯墓在萬年萬春鄉舊屬餘干縣

謝志

學士趙必愿墓在餘干江婆嶺

謝志

尙書朱貔孫墓在浮梁青石灘

謝志

丞相馬廷鸞墓在樂平永善鄉謝志

侍郎李伯玉墓在餘干新政鄉謝志

魯臥雪墓在樂平金山鄉謝志

王松陽墓在樂平懷義鄉謝志

元

封饒國公吳克己墓在安仁崇德鄉山田邨謝志

縣尹黎辰墓在樂平金山鄉謝志

葉孝子志道墓在德興縣謝志

侍御史周伯琦墓在鄱陽縣宋濂志銘謝志

學士朱公遷墓在樂平永豐鄉縣志

教授吳存墓在鄱陽獅子山後謝志

黔甯王祖墓在樂平長城鄉明洪武初敕遣指揮致祭

并勒神道碑謝志

義士胡振祖墓在鄱陽城北謝志

明

淮靖王瞻煥淮康王祈銓淮定王佑棨淮莊王佐楨淮

憲王厚燾淮恭王載垰淮順王載堅未謚王翊鉅常清

清江王端裕等墓俱葬鄱陽八都安山謝志原案安

墓白志據林志鄱陽縣志補入

張令彥方墓在樂平縣治清白堂後皇明世法錄

胡文敬居仁墓在餘干安樂鄉謝志

副都御史劉城墓在餘干潼山謝志

尚書孫原貞墓在德興縣一都謝志

博士劉彥昂墓在鄱陽縣義城謝志

府尹王弼墓在鄱陽西山

謝志

戴恭簡珊墓在浮梁益源鄉

謝志

布政使張吉墓在餘干鄱陂嶺

謝志

通政劉濟墓在鄱陽芝山

謝志

尚書孫需墓在德興十八都

謝志

尚書張憲墓在德興十八都費宏志銘

謝志

大學士桂芳墓在安仁楊源塘

謝志

郎中胡舜允墓在餘干縣霞山

謝志

少宰余祿墓在鄱陽和陽鎮

謝志

侍郎李頤墓在餘干上瑤山

謝志

右都御史朱一桂墓在浮梁下長源

謝志

孝子劉彥清墓在鄱陽小渡

謝志

運使史桂芳墓在鄱陽白石山

縣志

瑞陽公主墓在德興朱潭

謝志

程烈女秀清墓在樂平縣年十三遭變投井董宗文志

銘

謝志

張烈女墓在浮梁城門都嘉靖初知縣孔僖有祭文相

傳初葬時墓不生草

謝志

國朝

祭酒王傳墓在鄱陽千秋鄉

謝志

巡撫胡克家墓在鄱陽楊家邊

縣志

提督蘇兆熊墓在鄱陽羊膽沖

縣志

尙書汪守和墓在樂平沈家嶺

縣志

提督汪守誠墓在樂平金雞岡

縣志

以上饒州府以

漢

海昏侯劉賀墓在建昌縣西北六十里昌邑城內有大墳一所小墳二百許舊稱百姥冢謝志

陳

司馬髡墓在建昌縣東二里司馬延義墓亦在焉謝志

唐

侍郎何乾耀墓在星子縣遷鶯谷口致仕後隱居廬山

卒葬此謝志

孝子熊仁瞻墓在建昌北三十里謝志宋朱子告熊

年歲次己丑五月庚午朔具位嘉謹遣某致祭於唐故
孝子宜春縣丞府君之墓嘉切被誤恩假守茲土視事
之始考諸國經以求此邦前賢潛德隱行之實於建昌
得陳太中大夫從事中郎二司馬君以及府君之事蓋
皆以孝德問而府君精誠之感獨致涌水成川之應私
心竊敬仰焉然按圖以求其故迹則二司馬君之墓不

可知而府君之墓宅學基猶有遺處謹命有司依準牧
令禁禦樵牧其唐朝旌表舊門亦已復請於朝俟報修
立先遣僚吏敬以酒肴之奠昭
告此誠尚其英靈來鑒來饗

宋

贈少傅劉彥誠墓在都昌縣東六十里劉志橋北

謝志

進士劉渙墓在星子少府嶺能仁寺側朱子創壯節亭

於墓側爲之記謝志宋朱子告屯田劉居士墓文嘉

恨生遐解不得一來仰其山之高而拜公之墓也茲

故在而公之華屋山邱零落殆盡幾無迹之可尋矣乃

訪邦之耆老俊彥得公之墓於城西荒郊廢圃之閒其

不爲耕耨之所及者蓋已無幾因復作爲門垣而亭以

表焉又得嘉名於寓土之賢者書而揭之以見公志庶

幾嗣而官於是者有以興起其剛毅廉退之心蓋不惟
有以少慰夙昔嚮往之私亦可以仰稱聖天子所以使
之承流宣化之意也工告訖役一
莫致誠公而有靈庶其鑒饗謹告

陳晉公恕墓在建昌縣東二里

縣志

賓客陳巽墓在星子白鹿洞側

謝志

蘇州守孫冕墓在星子白鹿洞後皇祐中乞白鹿洞爲

歸養之詔從之未歸而卒子琛承先志葬此

謝志

樞密副似王韶墓在建昌甘泉鄉一云墓在德安望夫

山下

謝志

尚書吳太冲墓在都昌縣北七十里白鳳鄉歐陽修志

銘

歐陽文忠集

員外郎吳舉墓在都昌縣北長城里太冲從弟也

謝志

中書舍人孔文仲墓在南康星子縣歸葬時蘇軾拊其

柩曰世方嘉軟熟而惡崢嶸求勁直如吾經父者今無

有矣

明一統志

丞相李萬卷墓在星子白鹿洞口元祐閒嘗讀書白雲

庵卒葬於此

謝志

尙書李常墓在建昌縣西北六十里軍山黃庭堅題其

墓物黃大臨表之

豫章集

王長者墓在建昌青山之西原有黃庭堅銘

豫章集

甯遠軍節度使王厚墓在建昌甘泉鄉

謝志

張忠文叔夜墓在星子縣宮亭廟後相傳歸葬於此

謝志

謹案張叔夜墓已見廣信府辨詳列傳下

教授黃灝墓在星子縣西古山麓明萬厯閒知縣陳經

立碑表之

謝志

知軍錢開詩墓在星子西南十二里錢家湖

謝志

朝奉大夫李燔墓在建昌縣北翁家塘後

謝志

贈太師江萬里墓在都昌縣石沙灣

謝志

贈太師周國公謝之良墓在建昌桃花峯下

謝志

處士呂炎墓在建昌歸義鄉

謝志

陳澹墓在都昌清化鄉虞集題曰經歸陳先生墓

道園學古

錄白志舊案危太樸集有元處士經歸先生志銘則澹之卒於元明矣今從舊志仍係之宋

馮孝女素真墓在星子顏家山後

謝志

元

進士黃異墓在府城北五里

謝志

進士雷起龍墓在建昌歸義鄉北山之麓

謝志

明

侍講余鼎墓在星子西南古山麓

謝志

尙書魏源墓在建昌甘泉鄉

謝志

御史邵嵩墓在都昌縣雙衝山

謝志

同知余濂墓在都昌安定廟前

謝志

知州周希賢墓在安義猛虎山

謝志

檢討黃元齡墓在安義瓦岡山

謝志

布政使黃祺墓在安義縣

謝志

甘烈女清秀墓在星子少府嶺下

謝志

孝子陶誌墓在星子演武亭前知縣陳經立碑表之

謝志

國朝

徵士張自烈墓在白鹿洞山麓南康太守廖文英爲葬

此書碑曰清故處士張芑山墓

謝志

宋之盛墓在星子縣白石嘴

縣志

尚書裘曰修墓在安義合水橋

縣志

以南康府

周

匡裕墓在瑞昌歸義鄉匡裕兄弟七人修煉得道於廬

山莫知所終此山之墓僅遺蛻耳至今稱匡葬山云謝志

吳州

程普墓在瑞昌安泰鄉周瑜戰赤壁遣普為裨將駐兵

江州赤烏鎮卒於營葬此子孫因家焉謝志

晉

陶侃母墓在府西白鶴鄉侃擇地葬母遇異人云前有

牛眠地可葬言畢化鶴去侃行里許果見眠牛於此因

葬之白志原案舊志侃母墓凡五撫州饒州新淦都

宜在舊志白鶴鄉明張九韶重修陶母墓記陶母墓也

者自舊志傳為晉太尉長沙桓公陶侃母湛氏之葬也

按淦縣志湛氏本縣人墓在縣之東北寢宇記亦載湛

氏墓在新淦縣東北百步則今縣治東北慈訓坊有墓

是也縣志又云南唐徐鉅書為作記今其墓不在宋慶

歷中吳中復為宰於此亦嘗序其事以為墓舊有亭後

正侯考

陶靖節墓在德化楚城鄉面陽山麓明正德七年提學

李夢陽清復故址置田以備祭祀白志明羅洪先拜靖節墓詩久僧腰折

事再拜向高墳東晉非前日南山還暮雲將持斗酒酌更以挽歌聞不飲緣何事低徊心已醺

侍中查柏墓在九江匡鄉簪蘆之源永和十二年丙辰

葬此謝志

宋

江州刺史檀道濟墓在湖口小鳳凰山謝志謨江西北考古錄

謝志謨湖口小鳳凰山有檀道濟墓考宋書道濟為江州刺史鎮尋陽以元嘉十二年入朝十三年春將還鎮收

付廷尉伏誅又造願仲又茅亨至尋陽收道濟子及腹

心將盡誅之適濟變起倉猝全家嬰戮或槁葬都下為

唐後漢埵

鄭善果墓在德安葛洪山鄭為江州刺史歿於官葬此

謝志

中書舍人歐陽敷墓在彭澤縣五柳鄉

謝志

宋

鄭良墓在德安敷淺原之下即善果孫沒葬於此

自志原

案名勝志云鄭良嘗登紫巖峯觀敷淺原見白鹿躍於馬前曰吉地也歿因葬焉名其處為萬家坂子孫藉衍著諸牒者六千餘家

狀元馬適墓在湖口馬家灣幞頭山

謝志

直祕閣胡旦墓在德安敷陽鄉

謝志

劉道原墓始葬星子縣西翰林學士范滄夫為文碣其墓後十餘年其子義仲遷德化縣龍泉鄉黃魯直撰銘

豫章集

知臨江軍范端墓在德化仁貴鄉萬家山曾鞏志銘南豐集

司封郎中孔延之墓在德化仁貴鄉龍泉原孔子四十

七世孫也曾鞏銘其墓南豐集

太常博士鄭詒墓在德安永泰鄉王安石撰墓表臨川集

福州守梅鼎墓在湖口月臺山謝志

周元公敦頤墓在德化栗樹嶺下潘興嗣志銘明宏治

三年知府童潮建祠肖像置田以供祭祀童潮周源溪墓記宋源溪

周茂叔先生墓在郡城南清泉鄉栗樹嶺之下迄今五

百餘年所謂濂溪書院則在其北相遠五六里計春秋

釋菜之事多行於書院而墓則罕謁焉潮莅郡展禮於

善院因至墓所林木覆蔽榛叢生不能別視乃命役

人剪薙以入而墓冢纍然始見按年譜宋熙寧辛亥先

生聞母仙居縣太君鄭氏墓為水所齧乞知南康改葬

廬阜清泉社三起山次年壬子上下南康印綬就廬阜書

堂定室居之又次年癸丑先生不祿就葬仙居太君墓

左配陸氏籍雲縣君繼配蒲氏德清縣君墓皆在是於
乎先生之晚既化於斯神豈遠乎蜀不於此祀之於是
庀材命工創祠堂一所於墓前堂凡三間尸先生像於
中扁曰宋元公濂溪周先生祠中又別建愛蓮室三開
室前鑿一池植蓮於內本其所愛也前祠門一所扁曰
濂溪先生墓外又置民田地山塘四十七畝一分零給
付本郡道紀司都紀席元微掌領之收其所入以爲祀
事之需此皆出於公帑之羨者毫髮不漁於民也數年
春秋祭祀皆行於中祭畢又知南康軍皆我一方之地
道州人而薄分甯知南昌又知南康軍皆我一方之地
而又沒於此焉則此地亦爲先生之闕里也先生發伊
洛之源泉上繼洙泗千載不傳之絕學而太極之圖易通
之書直與六經相表裏其功之大自孔子以來未之有
也先生已從祀孔子廟庭矣茲墳墓所在之地學先生
學而祿於斯者可忘其功而爲立祭田祭所以報其
本乎禮鄉先生沒尚祭於社而先生沒於此地而祭於此
地豈曰遇乎誌有朱子祠堂記畫像記載先生事實甚
詳未學甯敢贅言以蹈潘氏銘墓之譏聊取建堂置田
年月記於石上嘉靖三十八年巡撫何遷檄知府朱曰
使後有所考云

藩修葺

國朝咸豐五年湘鄉羅澤南李續賓督師潯陽捐廉重修

謝志縣志明羅洪先謁濂溪先生祠墓詩匡廬開曉霽懷古見芳襟溪水清堪迴林風靜自吟山如蓮乍

發庭與草俱深此日生芻蕘還同執贄心

岳武穆母姚夫人墓在德化白鶴鄉株嶺之麓飛鎮九

江時高宗賜葬於此後夫人李氏孝宗賜葬大陽山下

去株嶺十五里

白志原案名勝志及九江何陞舊志俱載夫人李氏亦附葬株嶺今載大陽

山未知孰是

贈旌忠侯姚興墓在彭澤縣南八十里欽宗時戰歿和

州收葬於此

明一統志

進士喻臣墓在彭澤丫髻山麓

謝志

尚書曹文敬墓在湖口走馬嶺明嘉靖中九江兵備道

謝迪命其後裔重修立碑

謝志

處士高天錫墓在彭澤武山

謝志

縣簿顏希孔墓在彭澤鳳凰山麓謝志

元

丞相燕公楠墓在德安烏石山至元閒賜葬於此翁仲

碑碣尙存謝志

丞相朱浩墓在德化九都謝志

尙書劉洪範墓在德化黃土嶺謝志

總管李忠文黼墓在德化八角市縣志 國朝金德瑛

石弔元總管李忠文公黼墓詩紅巾東下已臨江壯氣

登陣控此邦市里今存八角石波心舊列七星椿天廟

祕密猶酣舞首鼠紛披各窟降未廢科名收國士李齊余闕總無雙

陶九母墓在德化芳蘭湖上相傳爲陶九相公墓者非

也墓有神靈人莫敢犯其邱木祁陽有魚怪歲以九月

謝志

月琴冢在德化石耳峯偽漢陳友諒愛姬茗華夫人葬處以善月琴冢前樹石月琴表之

謝志

明

知縣鄭思賢墓在德安萬家山洪武閒任德安卒葬於此

謝志

監察御史周振墓在德安中嘴山

謝志

徵士王奎墓在彭澤張家港

謝志

給事鄒逢吉墓在湖口松壽山北甲申殉難槐歸葬此

分省人物考

贈給事中黃開先墓在瑞昌赤湖石沃山

謝志

贈文林郎文士宏墓在德化仙居鄉大石山下門人私

諡安節先生

謝志

國朝

卷三

文德翼墓在德化萬家壠

縣志以
上九江府

漢

太傅陳蕃墓在府東青龍岡蕃被害徙家日南又追至
此誅滅友人朱伯厚棄官來哭收葬之墓有三寶值軍

亂爭掘之大蛇圍繞墳前崩雷晦雨遂不得發

豫章書
白志

舊案明一統志稱陳氏墓太平寰宇記名勝志稱陳蕃

子孫塚今從豫章書又考南康記在南康野獻山木塘下

孰是謹案王謨江西考古錄引南康記獻山木塘下

流三十里有漢太傅陳蕃塚又云陳蕃墓在青龍岡青

龍岡在南安府城東北四十里又云東北六十里有天竺

山相近為嶺山界接南康縣則青龍岡當即所云嶺山

下流也但以為太傅陳蕃墓者謬廣輿記曰南安府城

東北有陳墓漢陳蕃被誅塚口徙日南復追至此滅之

蕃故人朱伯厚棄官來收葬折衷諸說允為近是廣輿

記之說為考古錄所取但以為朱伯厚來收葬者仍治

舊說之訛伯厚既收葬蕃尸矣徙家誅滅之時伯厚已

繫詔獄豈復能來此哭而收葬邪漢書雖不言蕃葬何

處然闕燭方熾必不遠道倉皇葬諸荒徼初間之地寶
山袁翼有陳蕃墓辨謂是當時家屬謫後逢赦令往來
度嶺死葬此
岡者近之

牛相公墓在大庾縣鄧家山高五六丈旁列小塋三十

餘今多圯犁鋤之下往往得銅錢器物無名可考

名勝志

樊將軍墓在南康縣西南金豐里廣二三十丈四圍板

石狀如覆鐘舊傳爲樊噲冢又相距二十里地曰樊坑

有樊將軍宅基址

白志原案漢書噲沛人不應有墓在此必因樊氏墓訛傳噲也

唐

謝平蠻墓在上猶縣北勝保里人云平蠻謂謝肇也

白志

銀青光祿大夫黃廷玉墓在上猶縣金龍下里大穩神

坪

白志

宋

大隱居士田闕墓在南康縣洋江口

白志

太尉解潛墓在大庾縣西四里旁有太尉庵遺址

名勝志

御史田如鼈墓在南康洋江口察院坑

謝志

元

學博胡志仁墓在上猶學大成殿側至治閒死寇難因

葬於此

謝志

總管張元祚墓在大庾縣金蓮山

謝志

徐節婦墓在上猶治東一里節婦謝氏徐仁妻大德閒

廉訪使表其墓曰貞烈

謝志 謹案原作謝節婦非是改從夫姓

明

知府李琦墓在南康三逕里牛欄坑朱原端志銘

謝志

參政蔡運墓在南康伏潭鋪坳

謝志

進士賴禮墓在南康城北鯉魚山謝志

御史王時習墓在南康太平里浮石之原黃翰有銘謝志

同知郭希夔墓在南康金盆山謝志

國朝

田烈婦墓在南康縣橫石井西田毓來記謝志以南安府

漢

柴侯劉叔喬墓在零都縣南七十二里靈帝時避地於

此卒葬焉俗呼柴侯墓明一統志自志舊案太平寰

忽大風雨棺及松柏悉飛渡水其棺乃化為石

梁

檢校工部尚書鍾匡墓在興國潏江鎮沙陂匡以尚書

謫守臨江後致仕避侯景難徙居南康卒葬於此謝志

唐

中書令鍾紹京墓在興國縣長信里石亭西

謝志

檢校戶部尚書謝肇墓在興國錦衣鄉黃口

白志原案南康上

猶有謝平蠻墓相傳謝肇未知孰是

安福令贈饒州刺史鍾子威墓在興國縣澈江鎮沙陂

謝志

都監楊筠松墓在雩都縣北八十里藥口

謝志

宋

祭酒唐國忠墓在龍南縣新興保東邨碑文剝落惟華

表至今存

謝志

丞相呂大防墓在信豐縣南山寺右

謝志開朝張尙

呂汲公墓詩重簾元輔數閣中正色問問七尺躬已謝黨爭超雄蜀猶羅竄罰矯熙豐百緣不礙尊賢意二井

長沾潤物功歸葬君恩青史在故留疑冢重懸叢
案宋史大防監田人哲宗朝與范純仁同心輔政後
章惇所排安置循州至虔州信豐而病語其子景山曰
吾不復南矣遂薨年七十一兄大忠請歸葬許之汲公
之墓不在信豐明矣今一冢尚存遊
人過此瞻拜起敬豈曾渴葬於此邪

中書令李潛墓在興國長信里木口邨其子寶文閣待

制李朴墓亦在焉明知縣蔡鍾有立絕表之

謝志

吏部尚書曾林墓在贛縣空同山侍郎曾開墓亦在焉

謝志

安撫使鍾伯墓在龍南雷公塘後

謝志

樞密院編修唐稷墓在會昌縣西北

謝志

翰林侍講尹天民墓在會昌城南

謝志

直祕閣陽孝本墓在贛縣通天巖瀄熙己亥葬

謝志

元

翰林供奉知龍南縣陳泰墓以殉難葬龍南馬鞍山明

知縣王繼孝立碑表之

謝志

信豐尹李廉墓在信豐縣子李敬耐葬

豫章書

明

布政使李旭墓在贛縣西門外

謝志

通判曹明墓在信豐縣水東坊

謝志

僉事袁慶祥墓在雩都縣三門灘洛坑

謝志

知府嚴錄墓在雩都縣北打禾橋

謝志

刑部主事黃宏綱墓在雩都西門外生佛寺右

謝志

評事李敬春墓在興國屋山下春口

謝志

孝子呂叔素墓在興國長信里

謝志

工部主事何廷仁墓在雩都東嶽廟後

謝志

御史袁瀄墓在雩都西渡船嶺

謝志

僉都御史李涑墓在雩都固院三塔坑

謝志

推官溫卓墓在龍南大官窩

謝志

知縣謝魁墓在興國鳳凰莊

謝志

教諭俞琳墓在信豐縣桐木堡小溪渡頭

謝志

巡撫甘士价墓在信豐水東坊

謝志

楊廷麟墓在贛縣南門外菱角塘

謝志

謝志 國朝王滿重

呼忠義之理之不泯於人心也今猶古矣何可於楊忠

節公之墓任其陵夷淪沒而弗為之營護也哉繫城清

水塘為公殉節處某既碑而揭之因而致其墓蓋墓葬

於順治三年賈將軍熊改葬於康熙九年公之子璘實

始遷今地一修於雍正九年王觀察世繩再修於乾隆

十三年與國教諭清江謝天翼三修於嘉慶十五年邑

人鍾傑羅詩瑞等並買民田拓其基環以土垣越今又

三十五年墓地濱河漲水齧其垣向無省視者官亦置

勿問故易圯先是陳刺史雲章寄金倡修當事者遷延

不果迄漬於成亟思踵成之尋以規建陽明書院工不

可兼姑媛焉癸卯秋復理前議躬詣相度則類垣陟謁
中莢草荒煙淒然入目勢不可緩急捐金以爲倡署
事劉令恆泰繼之陳刺史聞而復自甯都寄貲與其
署郡訓導鄧恩林籍新淦於公爲同郡復告其郡人
在贛者贛教諭程景暉復舉之於公所同矣費集工興
捐助有差此亦足見人心之所同矣正月垣周以石圍
論董其役畢於前崇九月尺麓賁堅告成並議於十月
凡三十二日白觀李公率官屬謁墓一次歲以爲例而
二日值公殉節之期守郡者詣祭墓告成並議於十月
四日愉然有感於中焉夫死生亦大矣死於人所不
地而不死於人所不忍死之心謂之不死可也其所不
必死者義也而氣配之也其爲不死者理也而其所以
之也公於是乎不朽矣人之有於公非惟欲不朽其名
欲不朽其骨則人心之直之有於公實同之郭燦於火
及迷所葬公之墓幾然獨有非人之所能爲也天也
亦迷所葬公之墓幾然獨有非人之所能爲也天也
之所存而或委焉又聽其鋪沈而湮沒焉豈人心哉
抑又天之前記云公已無後又支族衰微亦無爲之
此又天道不可知而人心有足恃矣公之不朽於天
庸可已乎嗚呼公之不死於人心者公前稱文正國
也合工者礎石以記請於是乎書公前稱文正國
諡忠節宜改題其官爵事實詳在志傳不復贅
拜楊文正公墓詩荒冢斜陽亂草青布衣此日拜門生

長年魄戀忠誠府亙古神依箕尾星兩岸蓼花紅有淚
一江秋水滄無聲孤魂最是難聽處盡旦枝頭敬夜鳴
萬元吉墓在贛縣興廷麟同爲都督柯永盛所葬謝志

國朝

教諭宋華國墓在雩都縣三里會坑縣志

編修何其睿墓在贛縣四會鄉縣志以上贛州府以

唐 南唐

僕射劉越馭墓在甯都南松下里謝志

將軍馮祥興墓在瑞金縣羅溪山南謝志

禮部尚書衷愉墓在石城縣石上里聳岡謝志

宋

袁州戶曹黎仲吉墓在甯都歸仁里西岡謝志

教授胡埜墓在甯都萬斛里謝志

贈太傅崔克墓在甯都黃金坑

謝志

曾原一墓在甯都北門外準提庵左

謝志

觀察使陳敏墓在石城縣浮湖壩

謝志

溫革墓在石城縣胡坑

謝志

明

都御史陳勉墓在甯都歸仁里

謝志

尙書董越墓在甯都河東山梅江之濱

謝志

大理卿董天錫墓在甯都松下里璜坊

謝志

知縣丁積墓在甯都城南一里

謝志

給諫胡易墓在甯都南門外延春谷

謝志

邱一鵬墓在甯都桃枝里南坑

謝志

曾應遴墓在甯都文明門外浮藍渡

謝志

國子監博士楊以任墓在瑞金大田尾縣志

國朝

彭士望墓在甯都龍鬚邨黃陂山謝志

林時益墓在甯都冠石東巖上謝志

文學邱維屏墓在甯都州上湖田州志

徵士魏禧墓在州南十五里下螺坪州志甯都州以

江西通志卷一百二十一

江西通志卷一百二十一

勝蹟略四

寺觀一

圓覺寺在南昌縣蓼洲晉太始七年建內有大觀樓久廢

國朝康熙五十八年僧明星重建

謝志

延慶寺在省城順化門內晉建武元年得琉璃佛像詔建寺奉之名琉璃寺一云劉宋時建唐咸通二年觀察使嚴譔表請重建時值延慶節遂改名延慶

國朝順治二年燬於兵巡撫董衛國修

謝志 李元鼎記 韓董公具經世

鴻猷受寵命鎮撫江右十年於茲氛清吏肅事舉人和予為四境生民紀載歌謳被諸絃管言可盈帙矣於是豫章城東順化門內延慶寺重建落成公蓋捐清俸無募而致倡蒲泉諸大夫克勸厥事紺宇崔巍光復於一

日亦順成而不擾予偕二三耆碩快觀品華車往杖遊
雖微寺僧請記固將作頌成什以鳴化城之功而記
命之仰何敢諱其朴鄙不具簡以延慶新公志爲邦家祝嘏
因地之本事乎蓋國私人曰延慶聿得名於唐志載咸
而公家祐駕馬矣非私之也按延慶節日奏上賜改
通二年觀察使嚴毅表請重建因延慶節日奏上賜改
廣明中寺爲延慶寺先是黃輶光彩詔許建寺以處之乃
得於晉建武元年時現黃輶光彩詔許建寺以處之乃
名琉瑯寺此當時創始之由一云南朝宋建志兩存之
以世遠像失故耳然琉瑯像失復範鐵爲觀音像一尊
祀以傑閣屬唐之光啟元年此或廣明中寺之所由名
亦敕賜於延慶之先者矣順治二年燬於兵燹僧已修銀
新之其力不繼迄康熙己酉歲大司空中丞董公念斯
宰堵於城之東南再祀岱岳於城之東北公皆惻念擇
民一爲啟文明一爲報培載也更造大士送子香像擇
延慶而立端庫馬其殆欲起麟鳳於天家而江城生聚
湛念也乎總而論之公所欲爲福利者國與民也而所
興起不欲廢者古規也在於彼教則當謂之果位亦或
謂之再來是日也干旄式臨丹聖立與不以一錢累民
閒金碧與雲霞爭色何必湖琉瑯光彩於當年而旃檀
香像同鐵佛鎮洪都矣或曰琉瑯寺處城東偏東開生氣
宜土木隆茂於他隅又在教典並祀之琉瑯光如來寶與
西方無量壽合而化故歷代並嚴藥師焉嚴藥師而及琉
之勝樂而公邇者亦甚嚴藥師焉嚴藥師而及琉瑯正

其同物耳公以考志凡有關於土地人民無不舉而延慶寺新蓋其一也國人頌公爲邦家祝祚而公之家已祐爲焉其信公志也夫公亦信其民也夫公興豫章名利於勸崇德懋之中實同唐之連節路嗣公前後振禮祀以福民生歆神明以翊皇圖也詎惟一寺宜記也哉竊幸余言賴附紀載以遠

普賢寺在省城惠民門內晉故禪居寺隆安四年武昌太守熊鳴鵠捨宅建唐神龍元年改爲隆興院會昌間觀察使裴休迎黃檗山希運禪師居此南唐保大中袁州刺史邊鎬以鐵二十萬斤鑄普賢象易今名明永樂間重建嘉靖丙戌修

國朝康熙四十一年巡撫張志棟布政使盧崇興重建謝志菩提寺在順化門外晉建舊有藏經閣歲久圯

國朝乾隆十三年僧徹虛重建敬藏

聖祖御書心經改名

御書閣乾隆五十二年僧節容修

謝志
縣志

觀音寺在蓼洲晉初建後廢

國朝順治閒僧六度修復乾隆五十年僧華壽重建

謝志
縣志

百福寺在南昌縣繩金塔東晉建陳宏緒名蹟紀云宋

時建

謝志

桑林寺在南昌縣六十四都舊名延福寺唐武德五年

建有宋宣和六年碑一建炎二年所鑄鐘一

謝志

清泰寺在南昌縣南關口唐初建寺於京家山明景泰

閒遷此

國朝嘉慶九年僧澹霞重修

謝志
縣志

真寂寺在省城南辟邪鋪之東其址卽天祿山也唐貞

觀初構庵開元閒稱寺相傳馬祖卓錫於此俗名鄧陂

寺謝志

九蓮寺在省城進賢門外溫司馬祠後唐神龍元年建

寺有九蓮池謝志

真覺寺在南昌縣北鄉黃臺唐開元間建宋治平中賜

額謝志

總持寺在進賢門內唐開元中建舊名總持院碑刻乾

符三年牒中和五年牒各一通內有龍井謝志

化度寺在南昌縣大木山唐大中元年建一名大中寺

謝志

崇勝寺在南昌縣北沙車子坊唐咸通十年建謝志

應天寺在進賢門內唐光啟元年建一名掬林寺相傳

僧掬林禱雨靈驗改今名宋文天祥修謝志

緇金塔寺在追賢門外舊名千佛院唐天祐開建有緇
金寶塔相傳建塔時掘地得鐵兩劔三金瓶舍利三百
俗稱塔下寺晉泰始六年建市林寺卽其地今并爲一

國朝康熙四十八年塔圯巡撫佟國勳重修謝志 佟國

塔碑記南昌之南郊外有古千佛寺寺後有緇金塔唐
天祐開建距今七百餘稔迨康熙四十八年三月塔全
仆於地無一瓦一椽之存壬辰冬余奉命撫江
右甫抵任見廣潤門外市廛商賈之所輻輳遭火燼甚
烈憫切余懷及訪諸耆老僉以茲塔能鎮火災大庇民
居且在巽方關闔省文風惜傾毀四年來無復能創建
者予思忝荷封疆重任凡有裨於地方民生宜竭力興
舉首遣人估計工值所費約鉅萬經營揆度是不可以不
滋派累役民力也予遂獨任捐造鳩工庀材遠募名都
勝地所在皆有然余初非有邀福之念第雖然未必見
其功而願焉則適形其悲卽如形家言閭閻愚爲休咎
居民上者其忍置之膜外邪況豫章在大江以南爲吳
楚閩粵吭噓要地而南昌則十三都屏翰之首山川維
嶺人物挺秀於其間素稱才藪則城南一塔屹峙雲霄
用以振興文教禳除火災尚不可不亟圖焉予出廉察

是邦曾修廣信郡鍾靈橋以利往來今閱十有餘年復
撫舊治而丰新斯塔無非俯從民願以仰答
主殊恩於萬一耳經始於癸巳五月落成於甲午七月
總費白金一萬兩有奇諸如木石甍瓦塗漆丹黝務極
堅厚輝煌為永久計內通步梯外繞欄檻頂七級高十
丈六寸八方圍圓共十丈一尺六寸較舊制更式廓云
又葺新寺寮莊嚴法相并增梵石路起進賢門至塔下
復遮而南以弓計者長一千七百九十有奇闊準一弓
蓋之閩越者所必由焉於是登繩金塔者仰瞻堯天舜
日西顧雲物燦爛災祲永消禎祥協應共祝
天子萬壽無疆予亦因民
之樂而樂也歟是為記
乾隆中巡撫岳濬胡寶瑤重

修乾隆五十三年按察使額樂春以城內外多火災仿

袁州府宜春臺水鼎鑄鐵如式高二尺八寸周圍一丈

一尺八寸畫列卦位增水宿水獸擇用水年月日時安

建於塔之陽以鎮火道光二年巡撫阿霖修塔咸豐三

年燬於兵同治七年巡撫劉坤一重修

謝志縣志

望仙寺在省城進賢門外唐天祐間建寺有亭祀南昌

尉梅福相傳漢時尉廨在此謝志

佛頭塔寺在省城南十五里官道旁唐建謝志

大雄寺在南昌縣瑤湖西漢唐時有大雄邨善士建齋

飛旛至此因建寺遂名大雄謝志

阿耨寺在南昌縣歸德鄉唐建謝志

寶積寺在南昌縣武溪唐建謝志

新林寺在南昌縣六十二都明建原名大通寺

國朝改今名道光二十九年重修謝志縣志

定光寺在省城南四十五里唐咸通間建今名龍溪寺

謝志

白果寺在南昌縣二十一都唐建謝志

禪隱寺在南昌縣游湖宋淳化間建謝志

普照寺在南昌縣灌城鄉宋淳祐間敕賜謝志

興福寺在城南二里宋悟覺禪師講經有白蛇來聽又

呼聽蛇寺謝志

大梵寺在南昌縣灌城鄉明洪武三年自城北遷建謝志

圓常寺在南大洲邨其址卽唐福山也舊名唐福院明

萬厯閒建藏經閣於此謝志

金襴寺在南昌縣上謚店東明建謝志

棲真寺在南昌縣黃溪渡謝志

隍城寺在南昌縣灌城鄉謝志

毘盧禪院在南昌縣乾封鄉晉時羅氏建謝志

迴龍禪院在南昌縣歸德鄉謝志

元武禪院在南昌縣三十都忠孝鄉陶氏建謝志

九蓮禪院在南昌縣二十六都

謝志

法雲禪院在進賢門外康熙元年布政司余應魁建道

光十八年知府張寅重修

謝志

聽月庵在南昌縣鐘鼓樓前僧鹿門建

謝志

永和庵在永和門外宋敕賜彌仙觀明萬厯閒改為庵

又名應龍禪院以禱雨龍見有應

謝志

地藏庵在進賢門外僧定慧重新

謝志

清淨庵在順化門外邑士任景捐貲重建

謝志

迴龍庵在順化門外五里李花塘

謝志

生生庵在南昌縣同仁祠之左內有放生亭明崇禎閒

推官李嗣京建

謝志

憩雲庵在省城內東湖蘇圃旁

國朝康熙二十七年滇南僧超淵結茅於此後巡撫宋學

郎廷極相繼捐建謝志郎廷極記憩雲庵在城內之

東湖濠其南名園幽榭藏祠古墓基布而星綴者相望

也都人士之來遊者必取道於庵庵之始建自戊辰春

滇南心公杖策來此受閔氏所施之地畝許結茅於其

上其後商邱宋公來撫是邦復助以金俾加廣焉余撫

豫章而人丈室卑狹廣不十笏僅足容瓢錫資焚誦而已

於是心公復思所以充拓之余因繼宋公而少爲捐助

而僚屬之官斯土者以及里中之因繼宋公而少爲捐助

而衆輪心公因爲經紀其事經始於己丑秋至庚寅冬

月而落成前爲廣門中建大殿後構傑閣觚稜軒翥棟

宇宏敞輝以金碧塗以丹青厥功不亦偉歟余聞之而喜

祝曰佛地之廢興豈不以其人哉夫黃面而茹蔬嚴居而

穴處瞑目而枯坐視之廢興成敗無纖毫足以芥蒂其

心此佛門之所謂自了漢不足與參上乘者也若夫龍

象之器菩薩之智發大誓施大力升天入地不以爲難

水滴繩牽不以爲久要以廣此勝因成茲善果大可暨

百千萬象遠可至億萬由旬彼其心豈徒沾沾焉閉戶

焚修以自畢其課云爾哉夫心公之所爲亦若是而已

矣工既成乃詣余求記余因爲序其本末於以見心公

之道力精猛而事無不成也
心公名超淵渾之昆明人

蓮波庵在東湖百花洲學使王思訓額曰恆沙寺謝志

龍泉寺在新建縣東槽鄉晉咸甯間建舊名資福寺梁

武帝敕賜今名明游龍遊龍泉寺記豫章西北去城二

日寺苞叢綠中非清磬一聲不知此中有金碧也撥開

林幕得小徑又見大楓數十與羣樹雜處蒼翠浮動皆

著王大將軍眉間泓然欲滴又與類衰夏甫清而易挹也

復多松螻伏蛭行不肯作凌人想而禱音澎湃與寺鐘

響答天籟海潮是一是二頓覺爾我俱忘極而進寺塔

列桂一較老楓更古余訝之僧進曰是晉代物也余笑

曰武陵桃花且不知秦漢何論晉魏月窟天香自與覓

袞仙妹同伴千古而上人顧以屑六朝脂粉邪僧拂石

牀解衣就坐晴光弄影風從花來片片朱英墮磁甌中

異香線繞眞若李三郎步廣寒時矣因微吟曰不須把

酒臨風祝耐臥花前入醉鄉老我百年常住此好年三

萬六千場僧笑曰公欺予哉三年纔一度何論百年余

撫然久之竊怪進賢負我一生能著幾輞誠令步兵笑

人也起花下仰視枝頭小鳥客如舊識依依襟裾間余

固解組者烏尚欲作桑閒馴雉爲中年令表異乎抑亦

海鷗相狎許予爲忘機人邪舍之升堂禮佛客折腰不

能罄僧因述古德騎龍逸事出草廬先生龍泉八景詩
賓之索余和余未身其地不敢作虛擬同僧鼓步行沿
湖石浪滿齒蹠不受屐以一杖左右之未里許聖水出
焉深不及尺多纔一勺不涼不涸若有天源牛背牧童
掬而飲者趾相錯也予戲曰飲聖泉則作聖童愕然曰
飲食泉則貪乎隨扣角長歌悠然入深雲去矣更沿澗
而上約一里得木魚石石生小竇嵌空水面擊之鏗乎
有聲左旋登絕巔則石成與獅子石負嶠爭列岸然壁
立若欲俯視一切者顛澗之東則廣川橋騎龍潭出沒
崖烟壑霧中可望不可即余瞻目雲漢恨不折竹作舟
爲寰海飛渡也時日暮酸風捲地白雲在天撫此子
身輕如一葉淩然亦復茫然記昌黎登華山絕頂號哭
手書與家人訣夫昌黎豈畏死者特滿腔傀儡借華山
爲痛哭地耳余一官不勝解組歸里自此長林豐草亦
可杖履老烟霞矣乃戎馬封關故園三徑了不可得而
異地樓遲時驚風鶴封此茫然百端交集正不知是游
之樂也嗚呼天假餘閑浮生半日宿僧榻移日記成實
乙卯八月日也同游僧慧生隱
化徒穎微例得並書

國朝康熙六年僧千山重修乾隆十九年燬於火二十二

年僧照文重建

謝志

大安寺在省城北初名東寺有鐵香鑪高六尺許識云

吳赤烏元年造謹案今大安寺鐵鑪款識曰維吳太和五年歲次癸巳七月乙亥朔十五日己丑為楊吳時物太和五年當後唐明宗長興四年王昶金石萃編云江西通志大安寺吳赤烏元年鑪不知亡

於何代今寺中惟此鑪歸然尚存而志獨不載何也據

南昌府志鑪身二尺六寸足二尺七寸正得六尺許并

蓋及頂三尺通高八尺三寸朱欒江城舊事云鑪連蓋

座約高七尺許皆以舊志有赤烏元年之文故不敢質

言耳其實晉始建寺孫吳先造鐵鑪也晉時西域僧安世

舊志紀載此類正多後賢宜慎讀也

高本安息國王子避位來此遂名大安寺一云晉隆安

二年鎮西將軍謝尚施宅為之唐武德間改宣明寺大

中閒又改普濟寺明初重建復今額謹案楊吳鐵鑪已云於大安寺永充

供養蓋曩時猶仍舊稱王昶疑

揚吳時已復大安之名非也

國朝咸豐七年重修謝志縣志

香城寺在新建縣西山晉沙門曇顯創佛殿禱於山得

香木大堪爲柱殿成每誦經佛前以木屑焚之香聞數里故名寺旁有香城書院後有講經臺遺蹟明嘉隆閒廢萬厯末僧法海重建一云晉僧白雲善六戊法因寇亂以香遍插山口煙遂爲城寇見遠遁

謝志

報恩寺在新建縣樵舍鎮之左山臨江上其麓爲報恩

院晉建明嘉靖閒重興

謝志

翠巖廣化寺在新建縣洪崖鄉晉雷煥取西山北巖土拭劍卽此地初名常緣寺齊始安王遙光建唐武德閒改爲洪井寺又改翠巖寺南唐爲院更今名一云梁景明初劉準建明嘉靖中廢爲民居

國朝順治七年香城僧可學贖還

謝志

龍光寺在北龍沙岡創自晉其地三面積沙蜿蜒擁抱

南有蓮池水澄瑩不受沙侵最稱奇勝後圯明布政使

陸長庚丁繼嗣重修

謝志

佑清寺在新建縣崇梵坊初郡故子城西有蛟井在梁
葛鰲宅東南天監中龍鬬井中豫章王蕭綜造大佛鎮
之鰲復於太清初捨宅名大佛寺唐開元間改爲開元
寺有明皇銅像號真容殿大厯間馬祖建道場於此有
戒壇浴室遺蹟大中間燬後南平王鍾傳復建爲上藍
院以居上藍山僧令超宋真宗時改承天寺政和間改
能仁寺明初以寺趾創南昌縣治遷寺於元故帝師殿
一云卽鍾傳之故居景泰間更今名有藏經閣萬厯間
古心禪師道安建

國朝順治戊子燬於兵僧照福募葺總督張朝璘巡撫董

衛國建藏經閣鑄佛像改名佑清寺康熙二十五年請
藏經奉之寶閣舊分十六寮今存金粟華嚴興隆普慧
普安大士留香圓通普覺九堂乾隆五十五年燬六十
年寺僧廣梅等募建嘉慶中巡撫秦承恩金光悌先福
布政使陳頤先後修謝志
縣志

善果寺在新建縣三十三都舊名新里院建於梁天監
中宋建炎間廢元延祐五年僧如瓚復建謝志

鹿苑寺在新建縣昌山梁天監中建謝志

石亭寺在章江門外唐建前觀察使韋丹有遺愛碑覆
以石亭大中十三年丹子宙觀察江西奏以爲石亭院
裴休題額宋政和間廢爲觀明初復爲寺亦稱石亭觀
音院

國朝順治中總督張朝璘修寺建樓郡人李明睿題曰鈞

天閣雍正中韋氏後裔重修

謝志

戒珠寺在新建縣二十都唐建初名正國寺明宏治辛亥僧清溟重修舊有問月亭卜告軒掬雲堂放生池諸

勝

謝志

盤龍寺在新建縣禹港二里許西山八名利之一唐僧齊己書堂舊有光化年閒敕牒牒尾有崔嗣陸辰裴樞

王溥並與字一作盤龍院

謝志

雲蓋寺在新建縣西北四十餘里唐天復閒鎮南軍節度使鍾傳卽雲蓋山爲光化僧懷溢建額曰龍壽禪院

謝志

大甯寺在新建縣辛里源南唐主幸洪井請僧覺寂於

寺中大敷宗旨

謝志

東山寺在新建縣唐建宋大中祥符間僧修演重建寺

有臥如來像明初併入永甯

謝志

北蘭寺在省城德勝門外南嶽護禪師道場後廢

國朝康熙十六年僧淡雪重建前後殿宇壘石爲山種竹

栽松通止戈泉爲井引蟹子泉爲溪二十七年巡撫宋

犖建綿津書屋及秋屏閣列岫亭煙江疊嶂堂布政使

盧崇興建觀蘭亭三十八年學士查昇題豫章勝概額

併書煙江疊嶂堂記後亭閣摧殘僧古峯復修殿宇乾

隆十五年錢陳羣典試來遊於秋屏閣西題香界尋詩

額咸豐三年燬於兵

謝志

縣志

吳鳳白北蘭寺考

石門吳我山偶過北蘭寺求所謂盡西山勝覽者慨樓閣之傾頹也爲賦詩十章識之寺僧因以北蘭名寺之

緣起爲請稱府志載寺爲南嶽讓禪師道場後廢又稱
國朝雍正十二年甲寅秋商邱宋蘭揮方伯筠由江
藩持節三韓頒行捐俸修葺寺宇且勒碑識云豫章德
勝門外北蘭寺本南嶽讓禪師道場康熙二十七年戊
辰先宮師家幸公來撫茲土念北蘭古刹爲江右勝境
因建綸津書屋及列岫亭煙江疊嶂堂載牧仲撫軍事
顏悉余曰寺以秋屏閣著名則北蘭爲唐南嶽懷讓禪
師著名則北蘭爲唐南嶽懷讓禪師得法於廣
南惠能六祖而江西馬祖道一又得法於懷讓禪師六
祖結茅地在今南昌府屬靖安之舊溪寺馬祖駐錫地
於南昌新建豐城奉新靖安義甯諸州邑各有寺世傳
馬祖密受讓師心印於衡嶽又傳讓師往馬祖庵前磨
磚偈示不言何寺或謂馬祖渡江禪悟於西山巖嶺之
北院因以禪悟名所悟殆卽讓師偈與北蘭與禪悟之
相距不遠則讓師之住持北蘭似屬可信乃自唐代迄
今數千百年碑記闕如僅存府志及宋方伯碑記其果
然邪然則北蘭何自而起也據周益公必大遊西山錄
出北門過大甯寺登白而岫亭得西山之面又過大甯寺
登秋屏閣職方乘云不知誰所立但引曾子固云見西
山正且盡者惟此閣耳云云予訪新建辛里源有大甯
寺志云南唐主幸洪井請僧覺寂於寺中大敷宗旨並
不載列岫亭名與北門外之大甯無涉南昌灌城鄉有
大梵寺志云初在城北朱大中祥符間賜額元廢明洪
武初遷此新建陳石莊江城名蹟記則稱大梵院而不

稱寺俱不載秋屏閣名是蓋不知大梵寺也均與周平園所錄
得名而秋屏閣之必屬於大梵寺也均與周平園所錄
不合夫南豐仕北宋神宗朝平園仕南宋高宗朝相去
才五十年職方乘撰於南昌洪駒父芻芻舉哲宗紹聖
年開進士與南豐相去僅數十年時事見聞較近其紀
述必多徵實況山川之形勢南北之方位必有定在不
與倏興倏廢之寺院為轉移者安知唐之北蘭寺後廢
不易而為宋之大梵寺宋之大梵寺復廢不仍轉而為
為今之北蘭寺乎何也寺以秋屏閣得名無大梵是無
秋屏閣矣閣在北宋時已不知何人所立原朱方伯記
建列岫亭而不記建秋屏閣者亭蓋因大蘭寺之舊名
而補建閣則寺中所舊有者是閣則今北蘭也即宋大
梵也雖謂唐北蘭至今存有是閣則今北蘭也即宋大
年紀收仲先生建秋屏閣固未嘗廢易云建也殆未
詳考方伯碑記中語故耳今出德勝門外三百步有天
甯寺無大蘭寺天甯寺去北蘭里許志亦未載寺有列岫
亭名推陳石莊記亭在府城北龍沙前對西山宋朱晦
庵言賦詩於此又不載大甯寺名遺姓殆難訂余慮
大梵寺之秋屏閣幾與大甯寺之列岫亭同湮沒不可
考也因寺僧請問而引伸其說如此或曰北蘭古名北
蘭取蘭護江之北岸義近時乃以蘭易蘭云宋年過
北蘭寺詩雲景開南浦秋郊訪北蘭沙堤延野色竹陰
瞰江湍妙相拈花示禪心即境安平生端有異與發是
林樹別園從容遇迴兩更有亭沙琅浮日白山色地

江青列岫承餘韻支頤感客星無須催小隊漁唱暮堪
聽又辛未夏五月過北蘭寺時煙江疊嶂堂初成漫
賦三絕抹花坪子最荒涼徑轉簷開石几張好處花時
還記取縝粉紫雪點衣裳小開秋屏竹樹間蕭森五
月欲生寒推窗又改山川面不與空亭一例看斷兩
殘雲止復行蒲騷十幅往來輕斜陽忽放山根出江外
重湖一綫明李紱詩井蘭秋草露華滋荷蓋空餘葉
滿池卻愛西山萬紅樹朝陽看到夕陽時棟花坪上
更攀躋塵額何人拂舊題惟有
征帆吹不盡長風日日大江西

章江寺在章江西岸沙井渡口舊章江禪院

章江寺記章江寺在章江西岸沙井渡口背枕西山面
迎南浦東望豫章城若列屏然雉堞樓臺參差煙樹盈
盈一水可卽也此地南通兩粵北走二京爲楚越斷闕
必經之路江天浩渺帆檣日往來於戶牖几席閒輪蹴
輻輳曉夜紛馳惟是沙磧人稀狂風夜雨行旅投宿無
舍或遇覆溺號天坐觀悲歎無從拯救里人咸謂茲誌
載章江寺舊址也必得重修蘭若庶乎利濟有基乎萬
應戊戌冬吾友鄧少宰劉司成好行善事人也初意重
修西山香城寺敦信書院爲結侶習靜計延請吳僧天
機往彼募建已得巨材千章卜期經營不意因緣弗就
忍爲人所阻僧曰佛教重無靜而尚喜捨與其結靜就
於山中何若神法輪於江上遂卓錫駐此移材興工築

臺基以防巨浸中創佛殿一重晨昏鐘鼓祝延聖壽後
爲大士圓覺堂翼以廊廚前門後園周繚石垣堅固宏
麗垣外雜植松竹桃柳梧桂諸樹蒼翠鬱鬱鐸鉦
儼然復古一章一禪林矣官考前代潘樹蒼翠鬱鬱鐸
韓熙載有章江碑文又禪林寶訓有章江集若日涉記
稱晦堂禪師住章江寺往牒可證遺蹟猶存有廢必興
須待今日昔晉代許旌陽真君曾遺仙識云沙州掩井
吾道再興近日江沙忽掩井口豈其符邪此卽其地且
尤有異焉當肇工版築中忽露韋馱石像一座百夫昇
之莫能勝也僧眾驚歎希有由是焚香頂禮合掌祝讚
遂能十餘人舉之迄今傳記焉遠近祈釀屢著靈異
一方法幢之樹夫豈偶然者建寺工竣天機又募石頭
津橋費大工鉅別有記復造慈航普渡二舟爲救溺工
更築七里長隄求免厲涉治途開整三井以解道渴工
始於己亥春迄於甲辰秋銘曰博施濟眾非病諸而忍
願無窮我力難遂九載泊天聖心斯悼甯諉病此利當
坐視眾苦可援如身思惻惻津梁徒枉丹日在公此境
捐利他莫空以無相心思成無岸功祝禪樂此真境
有橋有隄有舟有井孰與空山心灰坐治世開難事惟
侍心堅出險非危勞苦萬千神人勸喜路途坦然光華
氣冲天瑞

雲峯寺在新建縣香城寺右初爲雲庵元至大己酉僧

澄宏修明正德間僧澄秀重修

謝志

大定寺在德勝門外明劉尚寶斯埠重建結放生社

謝志

天甯寺在德勝門外舊名光孝寺

謝志

清漣寺在新建縣王溪東鄉湖水漣漪柳綠蓮紅互相

掩映故名

謝志

雷王嶺雷音寺在新建縣游仙鄉

謝志

珠林寺在進賢門外布政使劉樾王新命同建

謝志

旃檀寺在新建縣滁槎鄉左有見龍塔邑人李明睿重

興

謝志

匯圖寺在新建縣楊家灘前有風雨亭

謝志

雙嶺崇勝院在新建縣西北晉刺史胡尚捨宅爲寺延天竺僧曇顯居此水經注稱曇顯建精舍山南卽其地

有謝靈運繙經臺久廢

國朝康熙年間重建

謝志

古佛嶺觀音院在新建縣雙嶺寺東仰山住靜處

謝志

龍沙天王院在新建縣隋仁壽二年建中有烏遮塔已

廢

謝志

禪悟院在新建縣西山緱嶺東院側有深巖禱雨輒應
相傳許旌陽識云老龍寄在蟾鵠內留與江西救旱災
又傳馬祖初渡江於此坐禪得悟故名近有牧童持火
入巖見其底有悟禪二字長尺餘

謝志

上塔院去新建縣禹港五里許唐令超禪師藏塔於此

謝志

雲堂院在新建縣梅嶺唐僧貫休居此

謝志

金盤院在新建縣伍諫鄉唐建光化大師駐錫處後掘

古井得光化遺偈

謝志

雲溪院在省城西梅嶺宋南昌袁陟嘗與曾鞏王安石

游此陟後卜居其旁

謝志

惠嚴院在新建縣西山東源宋潛庵禪師道場釋悟心

重興

謝志

謹嚴院在新建縣玉溪東鄉宋度宗元年敕建

謝志

靈觀院去香城寺二里許明萬厯末釋無來建舊傳晉

僧曇顯結壇禱雨於此又名靈觀壇

謝志

雲棲院在新建縣西山喬嶺古爲寶林寺僧靜亭增修

改今名

謝志

福嚴院在新建縣雙嶺崇勝院東二里有虎跑泉濯星

池諸勝久廢

國朝順治二年僧隆錦重興建塔今名西止禪院

謝志

石幢庵在新建縣西山鮑公坑僧洪浪偕其友听石霞生自桐城移錫居此

謝志

碧雲庵在新建縣太平鄉右有石壁鐫玉泓泉三字前

有巨石刻宋侍講元剛詩

謝志

圓通庵在新建縣相里明鄧以讚建手題圓通靜室

謝志

壽昌寺在豐城縣治東唐建

謝志

正法寺在豐城縣治東晉太元間建

國朝順治十七年知縣何士錦倡修

謝志

梵慧寺在豐城縣北湖唐建

謝志

慧鑑寺在豐城縣宣風鄉唐建

謝志

華嚴寺光福寺在豐城縣興仁鄉俱唐建謝志

定明寺在豐城縣長豐鄉唐建謝志

海慧寺在豐城縣宣風鄉去磯頭山半里許唐馬祖建

後有甘露臺宋淳熙間僧曉瑩築

國朝順治間僧洞明重修謝志

智度院在豐城縣褚山宋僧廣照建西偏有宗賢祠下

有墨池卽給事泉也謝志宋胡寅智度院記事無記

小足記者有常事不必記而亦有當記者人生必有業

古之民業四今之民業七既服耒耜而執斤削既通

貨賄而又操弓矢失常變守蓋棄材也治道所惡君子

不言也各安其業不相侵素緇動物不植走物不飛理

之固然則又何必記也均是農也或鹵莽或力田則力

田者可取矣均是不必記也或奇袤或信度則信度者

矣取之以勸能者戒不能者則不以其細故常事而無

記也今夫服儒衣冠則常修仁義禮樂一取正於仲尼

乃其業也詆訾先聖而崇禱異端五欲貪污而持守齋

素殃民害物而懺所罪福實諸所無而談論空寂猶之

棄材焉則無可稱者矣去父母毀膚髮攻苦學佛爲廣
宮大廈以事佛而居其徒相與紹隆而不替此爲僧人
常業也凡其所建立必求吾儒之言者亦因其教寓勸戒
焉耳旣已爲僧而又墮敗其業甚則破戒律私妻子近
屠沽市販或至棄寺而出居風雨敗佛像經卷爲糞藪
亦不足顧恤如是者衆矣則能居風雨敗佛像經卷爲糞藪
氏應充父子豐城龍潭寺主僧廣照以修佛事緣化有徐
堂門閣寮庖浴區丹青鑄璧物咸稱寺在邑東五十
里山庵中松篁蔽虧壑壑春種人境佳處也紹興壬子
秋末予侍親自杭西行至是少憩焉家君愛其遠深清
曠留度冬春甚適明年夏四月將去而之衡山廣照請
曰山僧垂老多病勛梓於此屋未嘗有上大夫車轍馬
迹也今幸辱臨得一言刻諸石沒齒不恨予旣許諾又
以其事問諸邑里無閒毀者遂爲之記蓋歎世有常爲
而不爲可嘉也紹興三年秋九月十有八日記

白雲庵在豐城縣東門內城隅謝志明羅洪先遊東

寺幽閒禪坐宮寒潭波漾月翠竹影搖風野草年年綠山花月月紅乘閒登此地不讓海南峯

海智寺在進賢縣東南白雲山乾隆四十一年知縣李

升庸改東向重修

謝志

能仁寺在進賢縣歸德鄉舊名堯城寺宋治平間賜額

謝志

三德寺在進賢縣查城山

謝志

摩尼寺在進賢縣長慶山

謝志

金剛寺在進賢縣棲賢山即唐戴叔倫故宅

謝志

慈恩寺在進賢縣新城山

謝志

靜慈寺即鯉潭寺在進賢縣十三四都

謝志

崇因寺在進賢縣上坊宋治平三年賜額

謝志

崇化寺今改爲鶴林寺在進賢縣介岡里萬厯時賜五

大部經紫衣幢幡魚磬

謝志

崇福寺在進賢縣中城山一名中城寺

謝志

崇聖寺在進賢縣白湖峯

謝志

定香寺在進賢縣二十五都

謝志

三摩庵在進賢縣西門外

謝志

海慧寺在奉新縣唐乾符中建

謝志

百丈寺在奉新縣西百三十里百丈山唐大智禪師創

建有柳公權所書法正禪師碑寺南有靈境亭後有淩

雲亭師表閣寺初名鄉導庵唐宣宗為光王時晦迹至

此及即位敕賜大智壽聖禪寺額南唐徙寺於西北隋

廢宋元豐中復建明洪武中為禪寺叢林後又廢

國朝康熙間知府葉丹重建雍正十二年奉

敕發帑頒圖改建

謝志

縣志

唐

柳公權

百丈寺

詩

禪地

無

衣

破月斜天半高河下露微翻令嫌月白動即與心違
宋周敦頤詩好風吹上最高臺雨洗青天萬里開落碧

半空山鬼泣也應勝似錫飛來絕頂茅庵老此僧寒
雲孤木獨經行世入那得真僧偶見招覺後始知身是夢
浮生不定若蓬飄林下真僧偶見招覺後始知身是夢
更聞寒雨滴芭蕉國朝傳修頭陀寺詩夙性厭塵囂
名山結良契選勝及頭陀來值霜天辨行陀師宗風
午轉昏瞳然復比邱能談其軼事爲言百丈山此山之
關妙諦至今諸比邱始實游憩愛彼峯巒佳因窮閑翫
右袂相去百里餘師始實游憩愛彼峯巒佳因窮閑翫
勢長鑊揮不師奔及泉奇鬼二兜鑒煉金一鬼追彌厲轉
挺戈遂戰師奔及泉奇鬼二兜鑒煉金一鬼追彌厲轉
關溪谷閒逐師通深隱鬼憤不得留守山一鬼追彌厲轉
留守者不知所終既師從隱中行安熟幸無慮俯僂見
隙光蹈躑躅一遂從井出高峯卽今頭陀寺山所由
名名實以師係指點何太真憫爲一噴陀寺山所由
鬼死誰彼瘞地亦畏宗鋒天不窮禪銳卽持百丈高背
以頭陀質拱衛分層巒鷄豆不足計開瓢亦百餘袞處
如瓜綴我遊僅信宿初未求根抵他年爲地中案室中
明晉甘禾詩用昌黎南山詩韻崑崙爲地中案室中
在圃八柱三千軸廣深難測究名山粉析支一西坤
授四裔表巍觀記萬千漏奉新古海昏地鎮廣延甌
鍾蚪形拂鬱華越勢奔湊石破經錢錫峯環鎮廣延甌
展百丈山地隔脈通透翠律露青藍桂柯挺翠茂林
抽高聳雲端呈壘岫或如仰面承或如過身就或如公
龍頭或如怪鳥喙如寶誌錫森如孟宗筍秀如入公餘

丹如五老醉酣風間蟾蜍瑱晉晉寶寶先公之所施
土木高低構延彼懷海居何殊善播棧五百松禪清
規垂紫由迦葉何容寵蓮花真雕鏤天造鏡空明係青
周廣袤樓還奇懷積喬遊山僧候大小各呈靈遠近爭
簇筵卽景月在舉出門歲當戊辰日破天工雄心入幽
賢谷中雲可鉞頻底石堪泐行上下好映水漾清源
我興忽焉乘登頻勞晴畫行行上下好映水漾清源
陰松山精殺捷思林於卓哉聖壽宮黃詩文富留名黃
拓開敞傑閣闢荒肱柳趙筆格精周黃詩文富留名黃
鳥呼癰癰元螭走妙句寫山河大義歸懷宿影帝生
移鍊心仙籍舊更闢此香城怒身入井黃沙彌信因余
奇鬼或彼詭誕更闢此香城怒身入井黃沙彌信因余
嗤何拘悉九曲寺後泉荒潛恐迷舊我往謂僧僚佈置
尚可又元坐聽野蟻徐行狎援器大雄策杖登御風若
仙寇石碑臥草開字缺難補救松古上雲峰林深長兩
敲樵歌時數聞水樂聊一奏星橋伊誰設境孰與賀
留連到寶峯釋迦思邈迺一歷險漫遊一溪俯時昂脰仙
洞何年開入境易昏黃百節仰岐嶺一溪俯時昂脰仙
苦削成湍湍亦徑復黃犬木人墳兩墳分左石聽經得
善識荒語述釋胃更有各雲根萬年不腐良跌生彌勒
尊偏袒大士副碑碣走龜龍碎窺龜地大義宣宗風
紅柏巧裂皺體骨競蹴沓勢欲輻輳若任停居蓮宮
鳴難微雛青嶺榮幣白雲看輻輳若任停居蓮宮
隨步驟或乞觀音憐或拜仙姑佑五雲若散花雙峯若

注灸迴龍看蜿蜒祖塔辨篆籀古基霧迷離西竺星點
 逗日城能為安霜畦亦易務自種山遶豐匪慕漢杭賜
 振詞遺華菁錯景懶譚詠戒寶護始終迷途連成幼欲
 棄禪談筌將刊泐志謬靜亦繫鍵槌齋時寶釘飯屋接
 堯姓居墳埋甘氏恆邈然重木因之承祭豆華表疑
 元禽衣冠駭伏獸近庵侶鴿王倚峯思靈鷲嗟余洗舌
 碑祖蹟誌先後搜異息奔騰貴新更停留恭惟
 聖皇朝上下道相媧里巷何熙熙期翔如來今並首一
 朝地果靈睿候不獨崇鬱將神工寶殿開輝燦不取寺散
 百頃金橋成半月發羈客日晚至深廊秉薪煥撤舊已
 擴基鼎建寶敬緣從事大賢勞匠氏亦夷阜常須海岳
 移豈非雲雷選連甍蔽日車高標映斗宿有如聚戟旌
 亦復類庫廡又如行玉山榴礎洙瑋瑋瑋瑋瑋瑋瑋瑋瑋
 露起西雷罩事金碧誇余情泉石狃置身外軒窗意
 久想慈如魚入水鄉厥解固中膜芳屋不無弱綠欄意
 獨伯但使潯暑消未覺肩卑疾歸曷所攜神雲白擁
 咒師觀青營夏工力嘆和傲欲歸曷所攜神雲白擁
 明日出山行
 山靈何以簡

寶雲寺在奉新縣北門外梁太清元年建舊名信誠寺
 後馬祖講經於此致紫雲之祥改今名元季燬明洪武

初僧性空海重建萬厯年間僧智達募修年久復傾

國朝嘉慶二十四年僧隆徹興仁復建

謝志縣志

延恩寺在奉新縣治東門內舊名羅漢院燬於元季明洪武閒僧崇信崇義等重創嘉靖七年奉文并入寶雲寺八年復建仍今名

國朝雍正二年重修

謝志縣志

隆教寺在奉新縣奉新鄉宋祥符閒僧如連建舊名臨湖院明洪武二十一年僧會淨住增修二十六年開叢林正統閒僧觀古意復修尋廢宏治閒寶蓮院僧智寬重建

國朝康熙五十四年僧波定子皓復建乾隆三十四年鄒樸裔重修羅漢堂嘉慶二十五年僧乘舟建亭

謝志縣志

定慧禪院在奉新縣新興鄉勘於梁天監二年明永樂

三年修崇禎初僧宗妙增修為叢林

謝志

巖頭禪院在奉新縣新興鄉唐建宋景定間僧景福重

建元末燬於兵

國朝順治十一年釋知菴重興寺環大山中有金鷲洞鐘

鼓岑寒潭瀑雪諸勝

謝志

大寶勝輪塔院在奉新縣百丈寺西大雄峯下乃大智

禪師窅堵波也毀於宋明洪武初興復天順中增修

謝志

寶蓮院在奉新縣新興鄉越王山巔宋嘉定間富溪劉

氏建西江安撫使真德秀易今名

宋胡晉侯記記建者曰山林川谷邱陵龍

出雲為風雨者神也乾坤清淑之氣扶輿磅礴結而為山阜融而為川澗必有神異主宰其間故有祀典之所崇釋老之所宅水旱疾疫於是乎禱焉此越王山為新吳之鎮里父老相傳有無量神通是以使人信嚮者其

斯之謂歟嘗考豫章職方及新吳舊志皆有見於裴
 刑傳奇是矣然誤以傳奇之越為藥反指越山之名為
 藥語傳聲訛遂以藥王名之而使此山失實孔子曰名
 不正則言不順故不容不辨而正之予按宋元祐間洪
 王父題趙王山詩起玉皆何時稅駕宅此山舊志固載
 之矣王父豈無所據而言邪至乾道中縣令陳寅記真
 常觀道士鄒文旼語以爲春秋時越王伐楚屯師此山
 城堞尚存考史記則謂越兵橫行江淮間豈不信然今
 觀山巔平曠地勢遶廟貞若區衛至今人呼爲越王城
 名其出入之途曰城門口又有點軍坪走馬崙皆非俚
 俗創說是爲越王車轍馬迹之所在經行也明矣此山綿
 亙數十里特立奇峯中始焉榛莽蒙翳路險塞樵牧
 所不到雲氣舒卷人候爲晴雨之占真若有司其造者
 邑之隱士劉大盈以活人爲業喜方外交講明修姱長
 生法慕文吳跨仙之異披剝蠲疏窮極幽渺探山茹美
 若將老焉宋嘉定丁丑有僧崇可奉其教曰靈濟師療
 病有聲欲求卓錫安禪之所搜奇扶怪似與神謀求地
 於劉一語而台詠茅築屋屢出靈濟細素咸集相與鳩
 工施畚鍤得佛像高可五六寸許非金非石光澤堅潤
 肯鐫歲月莫可名由是士庶懇祈無遠弗屆神道設教
 是何祥邪參相西山真公帥洪日歲大旱苗欲槁士民
 暨額相告大命近止奈何乃相率登山請禱應不旋踵
 遂爲有年民免於季羣詣帥府以感恩神速乞褒表之
 且曰寺無敕額曷永其傳願移寶蓮舊額以名此山公

俞其請噫佛已廢於彼而興於此凡所知問莫不歡喜
讚歎可乃又請曰山半舊有寺額曰金容名在瓦礫無
一粥之費願結庵其趾為往來息肩之地人得其便趨
者謹然可之用心悉力為開創計勞矣規模未就一旦
登堂示偈跌坐而逝紹明祖浩相繼葺理食指日移持
鉢孔艱回傳而堅師人天協順以有宿因課無積有植
產安眾鐘魚動地得以不匱一方香火之盛通乎四界
矣歲在丁酉堅為忌邪抑魔能害道不可逃者數邪其
下事當以益滿為忌邪抑魔能害道不可逃者數邪其
明年前住持法昌不忍坐視願眾往山頤與經理其徒
道成充迎厥志竭衣孟求檀施首建大殿一區豎立法
輪寶藏飾以黃金丹碧諸天菩薩行空飛相好之妙輝
煌煥發且哀同衣收四大部經永寶其中鑿刻四大天
龍為之環衛首聚爪鬚真如背負出海者捏塑佛像神
聖百種莊嚴身具足修創僧寮庖廡者捏塑佛具經
始於戊戌之春落成於景歲之夏又二年成躬領院事
增創法堂其為閒也五為度也一以為寅奉開山祖師
之地而神賴以妥如是功德不可思議歲在丁未續創
一閣於中鑿刻千手千眼觀音菩薩及天王龍女婆羅
門等而為之侍從及造東西殿天宮龍帳而且生平節
身縮口置到新安鄉田地歲收百餘斛及山地之利永
捨充於寶殿長命燈炬燈燈相續殆與此山相為無窮
可謂明遠也矣昌廣其前規創造三門及東西廊廡開
山祖師龕帳幻出天宮之境規模莊麗於前有光非山

君川后精神貫通呼吸變化於寂感之際能如是歟夫
元英之松回指生公之石點頭有人焉疑者無盡鉅山
川之盛可也地有興廢道有晦明開基於先重興於後
非偶然之故大書特書不一書宜矣寶蓮舊無石志昔
地主劉公予之外大父也曷敢尚聞擬始之概予今入
表有入咸以予齒宿辭核可信於後請爲之記予不得
辭云

國朝乾隆嘉慶道光閒劉氏後裔四次重修

謝志縣志

普化院在奉新縣進城鄉小雄山舊名長嶺唐大智禪

師初駐錫之地明天順二年僧慶雲等建崇禎十七年

僧普雨重修後燬

國朝康熙二十一年僧大因文石重剏

謝志縣志

普安院在奉新縣奉化鄉唐乾符中剏元季燬明洪武

五年僧智義建

國朝康熙初重建

謝志縣志

九仙壽聖禪院在奉新縣奉化鄉九仙山唐時有僧梵雲駐錫於此賜號大愿禪院宋治平三年賜今額紹聖

初增修今廢

謝志
縣志

戒德院在奉新縣奉化鄉密巖山舊名紫雲寺明景泰四年普化院僧圓勉覺瑛覺證同建後廢萬曆三十二年里人彭祥仲修

國朝乾隆二十四年同知蔡鴻才建後殿

謝志
縣志

寒溪院在奉新縣奉化鄉甘坊唐大智禪師往來之所久廢明洪武初僧幻無有重修宣德閒僧祖慶增葺

謝志

志

成覺院在奉新縣新興鄉明崇禎中僧宗妙增建

謝志

雲端院在奉新縣馮川橋之南明知縣馮燧建

謝志

耕香院在奉新縣新興鄉順治十三年僧敏創建

謝志

中沙庵在奉新縣馮水之南舊爲雷壇邑人鄧永圻未達時讀書於此後擴大之燕竹構亭捨田二十五畝爲

贍僧費始改今名

謝志

雙林寺在靖安縣北五里繡谷山下東晉西域沙門竺曇過之愛其山水似西天婆羅雙林間如來說法之地

遂開山居焉唐柳公權書門扁曰大中雙林禪寺

謝志

寶峯寺初名泐潭寺在靖安縣北四十里大梓都石門

山唐貞元四年馬祖藏塔於此因改名有權德輿碑後

有選佛堂藕潭釣磯旻旒山諸勝

謝志

宋張商英選

馬祖祖塔號慈應謚曰祖印威度一牒以奉香火住山老福深卽於祖殿後建天書閣承閣爲堂以選佛名之使其徒請記於余余辭而請益堅余謂之曰古人謂選佛而及第者涉乎名言耳子以名堂余又記之無乃

不可乎。憐子之勤漫爲之記。夫選佛者。選擇之謂也。有
去有取。有優有劣。施之於科舉。用之於人才。此先王之
所以爲世磨鈍之具。非所謂選也。使佛而可選也。取六
根乎。取六塵乎。取六識乎。取三六則一切凡夫皆可作
佛。夫三六則無量。佛法誰修。誰證。取四諦六度七覺八
正。九定。十無畏。乃至十八不共法。三十七助道法乎。去
之。則無法也。去取有無。渺然如水之流於心。服欬然如
埃之入於胸。次此在修多羅藏。或謂之流於心。服欬然如
了意。或謂之戲論。或謂之偏計。邪見。或謂之微細流注。
取之。非佛也。去之。非佛也。不去。不取。亦非佛也。果可選
乎。口先生之論相宗也。吾宗之論禪宗也。凡與選者。心
空而已矣。弟子造堂而有問。宗師踞坐而有答。或示之
以元要。或示之以料揀。或示之以法鏡。三昧。或示之以
道眼。因緣。或示之以向上一路。或示之以末後一句。或
示之以當頭。或示之以平實。或揚眉瞬目。或舉拂敲牀。
或畫圓相。或畫一圓。或拍手。或作舞。契吾機者。知其心
之空。則佛果可選矣。余曰。世尊拈花。迦葉微笑。正法眼
藏。如斯而已。後世宗師之所指。何紛紛之多乎。吾恐釋
氏之教衰於此矣。深河東人也。甘祖懶。耐苦心。久從關
西真淨遊。孤硬卓立。必能宏其道。蓋釋氏之教枯槁以
遺其形。寂滅以灰其慮。戒定密行。鬼神所莫窺。慈悲妙
用。幽顯所共仰。迫而後應。則五眾喪其伴侶。不得已而
後言。則六聚忘其畛域。生死之變。人之所畏也。吾未嘗
有生。安得有死。則奚畏之利害之境。人之所懼也。吾未嘗

有利安得有害則奚釋之爲夫如是則不空於外而內
 自空不空於境而心自空不空於事而理自空不空於
 相而性自空不空於佛嗟乎吾以此望子尚無忽哉大
 圖圓則妙妙則佛嗟乎吾以此望子尚無忽哉大
 裴休資峯寺詩勸潭雲勝地祖精鎖雲媚浩劫有窮日
 真風無壁時歲華空自老消息更誰知到此驚塵慮功
 名乃可遺宋釋德洪十二月十六日發雙林登塔頭
 至寶寺重繪出庵主讀善財編參五十三頌兼簡堂頭
 詩十年懷石門今日石門去雙林勸曦光跋河開宿霧
 力微藉古藤泥軟脫芒屨風泉白雲徑夜雨青松路我
 生百事廢齒髮行衰暮但餘愛山心不遂拈花故此山
 甲天下自昔家吾祖峯如青蓮華千葉曉方吐煙雲浮
 香色清涼洗肺腑異哉萬木開白塔巋然我昔從之遊
 時起放殊媚煥萬象供談笑大開全體露永懷憑妙觀此
 絕塵追逸步誰云今日亡塔開全體露永懷憑妙觀此
 意竟淒楚那知深林閑聊與故人遇電眸露憑舌咳唾
 成妙語筆端撼江海千偈浩奔注人開有此客自可忘
 百慮堂頭百衲師巍巍法王輔君有說禪口未肯讓前
 武夜闌對昏燈豪邁數頑魯相逢俱偶然此生真逆旅
 何當各努力業以共騎虎詩成對軒渠一笑小千古
 雲陽寺在靖安縣西南源都創自唐時明嘉靖間僧惠
 然重建萬曆三十七年僧剋波增修寺僧東旭別剎天

壽庵

謝志
縣志

曹溪寺在靖安縣北大梓都六祖曾建茅庵於此故名
明萬曆十八年僧中庵重建

國朝順治九年僧印明建觀音殿雍正六年僧東山重修

謝志
縣志

法藥寺卽法藥院在靖安縣東二百步寺以馬祖得名
宋乾道中僧巽中重建元末燬明洪武四年僧妙住興
復正統五年增建鐘鼓樓

國朝康熙八年僧百拙重建殿宇

謝志

暇僧寺在靖安縣忠夏都馬祖開山其地可以避暑故
名明洪武初僧法寶重建崇禎間改名龍門寺

謝志

延慶寺在靖安縣西忠夏都梁天監中建宋紹聖間僧

子忠刻華嚴像黃庭堅爲之頌明洪武初僧道泰復興

謝志

金沙寺在靖安縣西石馬都明萬厯二十年僧性明建

謝志

黃龍寺在靖安縣南五里許初名定明院今改寺元季

兵燬明正統甲子僧永海建

謝志

九仙寺在靖安縣南源都明永樂九年建界奉新

謝志

善法院在靖安縣東東江都初名西林宋祥符二年改

今額

國朝順治九年僧貞白重修

謝志

寶月院在靖安縣北象湖都剎自唐時明景泰四年重

建已廢

謝志

報身院在靖安縣西南源都村自宋時明正統閒僧本

然重建

謝志

書堂庵又名雲峯寺在靖安縣西新興都唐馬祖建前

有觀音崖後有虎迹石明正統閒重建後燬復興

謝志

龍潭寺在武甯縣治西關外乾隆閒僧應慈募修

謝志

延恩寺在武甯縣尊賢坊舊附城隍祠今祠遷縣治東

寺仍附祠右

謝志

建福寺在武甯縣治東二百步

謝志

溥濟寺在武甯縣南市義民張溥建

謝志

潭田寺在武甯安樂鄉

謝志

龍興寺在武甯縣三山上

謝志

石鏡寺在武甯縣石鏡山

謝志

明心寺在武甯縣四望山下謝志

新峯寺在武甯縣三十五都謝志

丁仙寺在武甯縣長樂鄉許家洞謝志

延慶院在武甯縣四十三都舊名寶安寺謝志

延安寺在義甯州治西一里明宣德年間重修謝志

雞鳴山寺在義甯州治西折五里許舊庵廢隆慶中僧

宏中復建右有玉皇閣謝志州志明周貴雞鳴山

田與客遊於雞鳴山寺謝志其宮殿閣道妙麗莊嚴而州

守石泉陳公偉庵石公兵部員外郎汪公學博黃公題

扁欄焉僧宏中請予記其事予因謂客曰是山州治西

折五里許其峯摩空人迹罕至而中夜聞雞唱若天鵝

之類或謂徐何二仙姑丹成所遺夫淮南雞犬陳寶流

星理固有然殆不可攷山頂有壇陞鑑窺現存嘉靖初

方僧劉德保夜號佛遂虎入山見巨石狀若神竟募緣

鑿石為元天上帝誅茅結庵未數年保沒而比隆慶朝

僧宏中始堅志完修就山麓構禪聖亭臨江畔因左

折而漸為馳道兩山翼之野雞拂溪流水有聲躡百步

餘而復有極可憩題曰遊朝瞻聖蓋以備遊者修禊事也由此值石徑拾級而上後至者踰前踵後百折餘遙見閣跨橋上卽所謂觀音閣也疏松密竹閒仰觀棟宇若流蘇然蓋其附崖附崖爲殿若室者三曰北極佑聖曰淨業曰持齋南眺則輕綺蓋其上白雲當其前兩袖如張左右翼遠來諸峯若列旌建鼓環拱而峙噫嘻非真武莫當也夫治則荒邱太室不治則荆棘銅駝茲可識世之隆汙徒爲騷客韻士遊玩地哉惟我成祖文皇帝親接神靈赫然響應故謝羅之殯一日而躋泰嶽是皆因天成人事起薄海內外卽之如素慕之如歸所以翊元化而興起人心者詎非神道設教事邪則茲寺宮殿之翺建雖費而匪吝吾僑聯爲采真之遊亦增愉快矣客曰善請因而志之

光法寺在義甯州

謝志周叔襄經光法寺詩特地叩

禪關闢異俗哀鶴因巢樹集龍爲

聽經還香裊煙霞裏鐘鳴霄漢開浮生因罕到一到一開顏

謹案光法寺舊志據詩誤作經光法寺今改正

黃龍崇恩禪院在義甯州仁鄉黃龍山下爲古于圩地

舊爲雙峯庵唐乾甯中主僧晦機始創寺名永安宋祥

符八年賜今額有觀音井翠雲洞法窟靈源橋桂香亭

諸片謝志 州志 宋張商英記黃龍鳳凰幕阜三山

隸豫章吳志黃武八年黃龍見於武昌者老傳云此山

之頂有湖池中黃魚二能致風雨歲旱禱之無爽院

自唐乾甯中晦機禪師得法於元泉彥常遊嶽麓會神

僧謂曰此去東北行遇洪即止逢龍可住至是因老父

遙指高峯名黃龍山上有雙峯庵主曰馬和尚師往謁

之歡若夙契以庵付師而去久之禪侶雲集宗風大振

天福三年吳將呂舟鸛師道化捨作建寺置田今小湖

莊是也寺凡三遷名永安寺天祐鄆帥溫公表師道於

朝號超慧大師自起慧崇恩禪院治平中光祿程公孟

本朝祥符八年加賜額崇恩禪院治平中光祿程公孟

為洪州太守是時叢林有慧南者傳石甯之印行臨濟

之令三關陷虎坐斷十方程公以黃龍名刊敦請居之

於是黃龍宗源被天下南歿後祖心嗣之西大饑朝廷

更三代住持殆名具而實亡紹聖四年江西復大智規

造予守洪開肅師者南之高弟住石次山恢復大智規

模會黃龍主僧求去予謂繼南者非爾不可乃持疏山

中檄遣縣令佐敦請師三辭不聽不得已而至院乃召

知事僧崇祐計曰堂宇圯墜佛事不嚴若堂庫廚寮石

以屬予之意哉即建佛牙大閣東西方丈堂庫廚寮石

橋水亭二百間有奇台未二歲而觀前是基構同於積

蘇累塊廣漢沙門允平曰初開此山清河張氏超慧也

再興吳院者清河張公也以法考之豈非願力時節而

卷之三 勝蹟

三

外護以濟吾事邪遣同參自光子曰持是說求張公記
其本末此非小因緣自持其說至京子問而笑曰
批哉永平以超慧爲前清河予爲後清河邪自其虛幻
而觀之則有前分後分自有其實而見之則無二清河
超慧開其始予抹其繼而成其終其眩於名實者奚足
以知之乃述以系之詞曰我行雙井至於查田升太平
之嶺望黃龍之巔如西出鹿頭而下窺蜀川聚落煙雲
之滅沒原隰綺縠之連綿桑陰陰而破野石鑿鑿而鳴
泉鐘磬螺魚之聲或出乎杳靄之閒眞所謂化人之國
觀中夜摩天此方北山靈水異趣必得高人提唱祖
意元肅禪師慧南法子非色非空亦事亦理隱於大雄
虎踞不起孰能起之無盡居士住山二十年革陋興圯
於諸之道乃其操袂黃魚在湫風雨來遊見而不測胡
迹之求 陸游三門記自浮屠之說盛於天下其學者
尤喜治宮室窮極侈靡儒者或病焉然其成也無政令
期會惟太平久公私饒餘師與弟子四出可乞積累歲
月而後能舉其廢也無衛守誰何一日寇至則立爲草
芥邱墟故天下亂則先壞治則後成予於是蓋獨有憾
焉黃龍山方南公時學者之盛名天下而其居亦鉅麗
中更盜賊大亂之後學者散去者弗至昔之閭閻壯鉅麗
者當委地矣自庚申迄丁亥二十餘年之間乃能繁然
復興樓塔殿閣空翔地踴鐘魚之聲聞十餘里法席之
盛殆庶幾南公時是非兵革之餘及於學佛者則此山且爲
阜安得以其公賦私養之餘及於學佛者則此山且爲

虎狼魑魅之宅矣而安能若是哉禪師升公於其寺門
獨予爲記予謂升公方以身任道起其法於將墜門蓋
未足言獨書予所感使凡至山中者知其深吏勒其官民
如此而國家之覆轍有斯民若其深吏勒其官民
力其業相與思報上之施焉升公豈不得所願哉三事
祖心退黃龍院詩不住唐朝寺開爲宋地僧生涯三事
初故舊一枝藤乞食隨緣過逢山任意登相逢莫相笑
不是嶺南能僧克文弔黃龍和尚塔詩示滅師何速
空遺塔此中僧開四海錫誰復九年風鳥外千峯繞人
閒一徑通寥寥朝與暮唯有白雲同風力沉黃龍山寺
詩說法依然古道場禪林雨色轉荒涼何年白馬來西
竺故事黃龍紀武昌隄候曉見忍草春深空繞砌
旃檀世遠不聞香布金總屬天人力願借摩尼照上方
寄遠書深密伽陀枯戰筆真成相見問何如一雁能傳
隄星宿落日下恍如羽扇閒照默堂中有相憶清秋忽
遣化人來時驢覓驢但可笑非馬喻馬亦
成癡一天月色爲誰好二老風流只自知

佛惠院在義甯州仁鄉卽永甯院一在崇鄉謝志

雲峯院在義甯州崇鄉謝志宋曾鞏記分甯人勤生

自府來抵其縣五百里在山谷窮處其農人修農桑之
務率數口之家留一人守舍行饘其外盡在田田高下

硤腴隨所宜雜植五穀無廢壤女婦蠶杼無懈人茶鹽
蜜紙竹箭材葦之貨無有緇鉅治咸盡其方其勤如此
以易死甯死無所損其於施何如也其開利害不能移
米父子兄弟夫婦相去若亦棋然於其親固然於義厚
薄可知也長少族生里閭相講語以法律意繇少戾則
相告訐結黨諸張事關節以動視聽甚者盡刻金木爲
章印摹文書以給吏立縣庭下變僞一曰千出雖笞撻
徒死交迹不以屬其心其喜爭訟豈比他州縣哉民雖
勤而易治教使移也雲雲院在縣西外無籍園不知自
何時立景德三年邑僧道常治其院而修之門闔深
殿寂言言樓客之應齋庖庫庾序列兩旁浮屠所用錢
鼓魚螺鐘磬之編百器完備吾聞道常氣質偉然雖土
其學其歸未之當於義然治生事不廢其勤亦爾其土
俗至有餘輒斥散之不爲黍累計惜樂淡泊無累則又
若能勝商施喜爭之心可言也或曰使其人常乎未敢
所學其歸一當於義則然視邑人者必道常乎未敢
必也慶厯三年九月與其徒曰吾排蓬荻治是院不自
意成就如此今老矣恐泯泯無聲界來人相與圖文字
買石刻之使承承與是院俱傳其不可言者寵嘉之使刻
示邑人其記遂來予不讓爲申其可言者寵嘉之使刻
有激也

雲巖禪院在義甯州治東三百步唐德宗貞元二年十

祖曇晟結茅於此宗風遠振尋建為寺至宋元祐間有

僧法靖一作清結庵於旁河東柳敬叔名其庵曰頤庵黃庭

堅頤庵銘序曰雲巖老法清結草庵於古木間直溪東

旌陽峯山光清朗一塵無開河車兩敬叔名之曰頤庵

動自我觀頤為吾大用口則挂壁哺餓則食蔬頤之樞

何節紹聖中韶陽老人悟新為轉輪蓮華藏僧希文如

京師印經黃庭堅記江西多古尊宿道場居洪州境內

二十年來住持者非其人十室而八也其有戶籍而單

丁住持上官和者十室而五也分富鄉中推其最院供

十方僧山谷道人自為兒童時數之未嘗得一人其號十

法清尸此禪席而十方僧往來不得棲肆託宿清間山

與事而道行不能感人論者紛紛而中廢荷亦得罪去

矣韶陽老人初得道於黃龍祖心禪師披褐懷玉隱約

山間二十餘年矣自言山野不解世事無出山為人意

邑中賢士大夫及其耆宿商度日欲與雲巖法席必得

本色道人若是則莫若韶陽公於是逼致之韶陽公翻
 然就請入居方丈之東死心寮中居數月粥飯手韶陽
 隱鉉政問者動心升堂入室肅肅雍雍觀者拱手韶陽
 公曰與人云我若一向舉揚宗乘法堂前草深一丈吾恐
 意古人外荆棘生焉不得已眾竭力為我置藏經且於
 雲巖門作佛寺眾亦不解老人語而謀為轉輸蓮華經
 末法中作佛大為經堂嚴以金碧有山者獻木有田者
 獻穀如此且闕三載檀化為魔種種沮壞韶陽壁立不
 戰不怖諸魔所攝去魔即佛大作莊嚴遠近傾例魔復
 為懷自謝負墮鳴錘伐鼓相我成功於是四方來觀者
 乃曰江東西經藏凡十數未有盛於雲巖者也而此經
 藏發端於山谷不得為之記山谷曰物之成壞蓋自
 有數要於山道者為所依然後崇成韶陽所以不己
 面貫藏經是有道者正法眼句禪子自當於死心寮中求
 之凡此藏經主工者僧悟機如京師印經者僧希文韶
 陽老人者大長老悟新山谷道人者明嘉靖開州同林
 論授雷州別駕戎州安置黃庭堅

春澤題為修江第一禪林

國朝康熙元年僧淨瑩重建五十五年僧英賢重修
 謝志

興化禪院在義甯州仁鄉
 謝志 宋黃庭堅記 華阜之
 東黃龍山之下曰青龍山背

山而嚮溪有道場曰興化禪院相傳以為隋初有頭陀
卜築此山得名曰靈臺院至台昌而籍沒大中再興
度人有刊削禪師實化草萊皆為金碧號浴心院興
者曰伏虎禪師歲遠失其名蓋常以道行伏虎鄉民生
散其經行死奉其塔廟至今遺基臨然水早僧請禪之
此後子孫食其田宅而已至慶歷中賜名興化禪院於
今七世無赫赫可紀紹聖丙子歲眾請漳州僧以弭住
持躬當入黃龍心泐碑文之法室自以為聞得句於
東休常總禪師不能補壞支領倫過羣月就意興作必
敬自我一新一尚之有東林之規模又得長沙僧智秀為
之住故七年而大度獨山凡所以尊崇經像安養聖賢
包容作務艱辛資客無不稱事高名顯融又我杉十萬
以開盛弘蓋人力事之初民愼晨者家有古墳諸林相其
材可大用而人以爲不可得已而儲林之中夜聞鐘梵
或以告舛於是不與非其人遂崇成耳惟積儆難振大緣
難成非其時不與非其人遂崇成耳惟積儆難振大緣
相合苟完可謂積散矣空山之閒四十分去州縣遠撤故
作新費以鉅萬可謂大緣矣儲林鐘梵非所應有而驚
動此其新之時也粥以淨行而不怨皆曰我今盡心竭力
凡一切作務病者不悔死者不怨皆曰我今盡心竭力
必將悲我三昧其人又能也夫東林千歲之功發地除
之不遺一像一室爲屋千楹成壞無不如意然未及以
道教十方而化去今尚未老訖臻厥成尚
行總公之道故爲之記其興廢而勤請之

石潭院在義甯州泰鄉梁口市今名禪濟寺唐末建謝志

南山院在義甯州南二里元末兵燹明成化間僧圖亮

重建

國朝康熙十四年燬於賊知州班衣錦倡修僧正司西竺

募建有山谷讀書堂謝志

兜率禪院在義甯州仁鄉從說禪師道場謝志國朝

山兜率寺興禪記佛書載兜率夜摩宮殿在諸天以上
培峯安麓可居能仁故名山法地有所創述每借以預
其制如梓潼分甯皆有兜率是也分甯兜率創於隋間
皇末山名龍安其地由豫章西山而西去偉草遠與鄂
之下焉相與犬牙蓋山寺興廢其不可按者亦久矣湘
溪始是禪師本甚產而遊於越會吳越用兵師乃微行
上章自述故事披緇負笈遊湘湖之荒者若干年後累遷
交符傳法而卒受傳於平陽師久在越毋論浮杯四達
非所依戀即其兩赴京師隨大覺老人說法一曲為念
前幾欲留內庭薦福而為然師足惟以湘湖一曲為念
則其不羣於塵物如是也其初以越中故入出宰下焉

延師於下雋之鳳山寺時有兜率之僧名師亮者承隱
 賢辭師之後稍葺元明以來兜率之既廢而漸復者黃
 還舊觀而誦於時之未有合也康熙十二年癸丑二月
 住僧師亮同龍安護法匡君鼎熊君奇運萬君正瑛陳
 君欽鼎等白諸當事共資贍幣迎師於鳳山乃大建旆
 旛漸興工役當斯時兜率之既復而稍合者駸駸乎有
 其基焉會兩湖用兵諸旗張皇四出悉駐荆岳而下雋
 常平江臨湘之閒為荆岳衝能安近下雋烽火相接不
 守所必爭適師省平陽負錫東渡暨還而前途梗塞不
 可通乃往來湘湖自稱湘溪道人者又若干年雖其閒
 三吳巨利各來迎師師亦曾一應吳江黎里之請然非
 其意也丁丑之秋龍安兵稍解其住僧恒越堅請師往
 將驛完舊緒一光前席師亦念資地當急復遂毅然許
 往於是瞻視延袤就其高下徙量材遂事有日乃使
 謁文於是瞻視延袤就其高下徙量材遂事有日乃使
 詳兜率遺蹟又記誌荒略亦無從考覈故實然嘗聞兜
 率初興有司馬頌陀者來相是山預記若干年後當有
 聖僧先後相繼開演故自隋唐五代代有德士延至趙
 宋則臨濟雲門兩兩分見其在慈明之後者則曰景常
 曰志恩曰從悟而在匡真之後者則曰釋悟曰景常曰
 維顯及其既亦少替矣今師之後者則曰釋悟曰景常
 事然孰非山川爽宕實有以啟之也哉蓋祖庭興後自
 非其鑒道之能而撫念兜率夫亦以兵革之際任故師以
 日之念湘溪者轉念兜率夫亦以兵革之際任故師以

遂不憚煩願力以有此役也考之宋宣和之末兵興旁
午中分戒備而朝士張君商英尚有追謚兜率悅師之
請以其運漕隆興時曾從兜率連且異曩昔法寶當興
師之道法不減從悅而兵革之連且異曩昔法寶當興
豈無商英其人踵其事者吾於兜率厚期矣寺趾訖各
具畛域前後殿堂門廡寮舍各具規畫程功餼民物
人等簿書歲月各具計數例書之以安瞻摩有如祇園對
惟此神宮名兜率陀招提象之碑負而綴以銘銘曰茲
此恆河庭生苾草座成蓮花乃者龍安亦有斯寺闢茲
五衍開自六季白馬遷經黃金布地彷彿曹溪陶水嘗
味云俟時日當出化導為天人師宏佛祖教是以數世
能攝羣妙相繼設法具大辯才星羅寶殿雲滿香臺鶯
羽旦拂優羅夜開領其中趣比之西來無如象教稍墮
後葉道岸傾崖慈航失楫曠然前期丁此浩劫何幸大
師早授宏法迎葉一懷大鑒再宗遠接臨濟近嗣天童
馴象騎素傳衣錫紅初住湖中棲象里會隨大覺入
見將邀舍衛興我兜率寶樹牽身金花捧足御太子固
修利王國不悟諸武兵來洞庭龍安峰巒開於則衡
溪一曲羅罽師名終還初地言完化城增累疏濬葺
崇禎旂為風生圭作影表丹焚蟠螭赤橋飛鳥茅戟
鍾乘之如歸修水東流潁汭西折祀融惟震彭蠡雪
鶴不爭山龍請避穴經復兵行江漢有哉安以金鈴
之寶杵普濟禽羣廣喻徒旅門闔四流遄然一炬取石

堅貞永
樹其所

清虛庵在義甯州治西北二里許明萬厯中建謝志

丹霞觀在南昌縣鍾陵鄉青山湖口晉太康二年建有

許旌陽丹井謝志

玉宸觀在南昌縣鍾陵鄉相傳有廟在觀之西晉太康

二年雷雨夜作忽徙觀於廟西謝志

冲道觀在南昌縣劉城晉黃仁覽居此咸和二年雷雨

拔宅謝志

靈仙觀在南昌縣梓溪晉咸和二年建祀許真君

國朝咸豐十一年劉于潯修謝志

太虛觀在南昌縣歸德鄉晉建一名招仙福地謝志

常清觀在南昌縣歸德鄉晉建謝志

招仙觀在南昌縣東鄉劔湖之南晉建相傳許旌陽拖

劔斬蛟遂成小河名曰劔湖其洲名曰磨劔洲

謝志

玉臺觀在南昌縣西鄉晉建祀許旌陽

謝志

太極觀在南昌縣灌城鄉許旌陽嘗遊憩於此

謝志

太乙觀在省城東南十五里本梅子真宅唐貞觀十五

年刺史周遜奏建觀以居真人萬元振名天甯觀屢經

興廢

國朝順治十八年道士朱良月建道院因其基擴之名曰

青雲譜林壑頗佳每歲春夏勸農上官憩於此

周體觀定山橋

梅仙道院記南昌府東南十五里有定山橋橋舊溪也病涉者扛之遂不從溪溪洩釣蹟存焉蓋漢南昌尉梅福曾釣於此也後人因之構祠溪上曰梅仙祠唐貞觀中改稱太乙觀久而墟墟而復構者屢矣辛丑秋道人朱良月來遊於溪就祠之基而擴之起方壺之宮建絳節之朝以事列仙崇苑宇置丹竈以待四方羽客飄飄

然翼翼然疏林迴嶼與釣溪雲氣相動若安期羨門之
徒彷彿可遇向所為梅仙祠者已成道院矣度亦梅所
樂也觀成慮失所自其友章松樵請記於予曰道人隱
君子其奉梅尉以其仙也奉於釣所從仙迹也意乎其
人意乎其地兩有之道人所以感也願公敘其事予曰
射自可傳史稱梅福棄家而隱又傳其後黃藥會稽人
猶見云不聞其仙去也抑或尉之不及三公者季世耳漢
故尚貴於方外致其慕也尉之不及三公者季世耳漢
法官人重功曹吏事治及東漢名臣輩出絕不以資格
限福昔上書諫孝成指切外戚王臣聚蹇豈杜欽谷承
諸君所敢方者尉也云乎宋初錢若水微時希夷竊相
之神骨疎異謂可以仙質麻衣麻衣與錢會畫著於灰
曰倣不得徐曰急流中勇退人也士而退勇其去仙一
閒矣又烏知梅之仙也由史言之如彼由傳聞之如此
願聞其風匪直學仙者嚮往蓋於士大夫作敢言之氣
獨高蹈之節或有餘也余幸來南昌且親見其釣處視
昔廢書而嘆之曰何如哉微松
樵為夏月請余固樂為之記

重修

縣志

逍遙觀在南昌縣三十六都舊名龍泉觀唐乾元間建
宋治平四年更今額相傳為王郭二真人憩息處

志

元妙觀在省城廣潤門內唐真人胡慧超過此見樟樹

爲妖焚之創信果觀宋改天慶觀元改元妙已廢謝志

二聖院在省城進賢門內豫章書院之右順治閒巡撫

許世昌建康熙五十六年布政使許兆麟重修縣志

紫霄觀在南昌縣長定鄉唐賜名旌恩宮宋治平四年

改今額相傳胡萬二真人修煉處有丹井謝志

淩虛觀在南昌縣南鄉舊名飛雲觀宋元祐三年建宣

和閒改今額相傳有真人熊覺恭煉丹於此明永樂閒

白玉蟾化形居觀中小樓兩月去不知所之遺有飛雲

福地書額及詩謝志

玉清觀在進賢門外水次倉口宋慶元二年九江道士

黃自然來此善療疾疫京相鏗捨園爲觀祀真武謝志

清都觀在南昌縣南鄉宋慶元二年敕賜謝志

純陽觀在進賢門外陳仲舉祠左宋建謝志

十華觀在南昌縣長定鄉新坊唐會昌初建宋咸和六

年賜名紫虛觀治平四年復前額相傳胡萬二真人修

煉處謝志元伯顏子中十華觀詩十載風塵忽白頭

徑幽海內何人扶社稷天涯有客臥林

邱此心祇似長江水終古悠悠向北流

沖真觀在南昌縣沙埠潭北里許晉初建許旌陽逐蛟

至此因名眺蛟臺宋賜今名

國朝咸豐元年邑紳劉錫銘等修同治元年邑紳劉于潯

重修謝志紫極宮在進賢門外晉建有老子騎牛像唐天寶間題

額吳彩鸞寫韻軒在焉謝志

至德觀在新建縣善政鄉其下即天寶洞南門晉永嘉

閒建謝志

建德觀在新建縣易俗坊晉咸和閒建相傳南岳紫虛

元君魏華存修真處觀後有丹井僧道義復建月濤庵

於側明宣德正統閒重修胡儼記建德觀在豫章子城

魏華存修真之所按郡志元君即晉司徒舒之女生有

紫氣上騰遂蹤迹其處至於豫章地得金銅神像乃

築壇修煉即今之觀所也初丹井七口今所有者一耳

元君以咸和九年九月上昇豫章之人因建祠宇歷世

祀之而建德之名則自徐平庵擴祠為觀始也宋建炎

中罹兵燹諸祐二年胡松年重修之以後李天然者相繼

興作毀庭門廡法堂輪藏鐘磬幡幢以及燕居之所靡

不備其元季復火於兵道士徙居城北舊城隍廟而觀

之故處沒為隙事司水幾斷事官夜得異夢詰其來馬

如以物境至其地其人驚懼自當道者撤廟事司於他

所以其地復歸本觀於是李景叔重葺理之其徒張性

湛張學鎮又加創建而熊嗣仙黃道宿喻大中李景惠

李大常楊景德羅俊初胡景明石道堅相與協謀承樂

乙未作正殿三開高深各三丈廣五丈以事上帝暨張
葛許浮邱公宣德己酉作三門庚戌作輪藏殿鐘樓王
子作元君閣又三年作法堂而東西兩廊則作於正統
二年規制一新輪與美哉出資費而始終成就之者李
公瓚汝正也余嘗閱真誥見元君品秩列上真之位又
嘗見其垂訓文辭雖近而理切實誠有道者之言使無
神仙則已如有之若元君則亦高仙之流也太史公論
六家之要指而獨貴乎道家彼豈無所見哉余因公瓚
之請故為記其本末俾嗣其教者知興廢之明末圯
屢更而成功之不易則相與守之者毋忽焉

國朝康熙中總督董衛國巡撫安世鼎即廷極先後修謝

志縣

憩真觀在新建縣清波山晉甯康中建祀許旌陽宋徽

宗時重修

國朝康熙十五年邑人喻全昱重建謝

彭真觀在新建縣西卽宗華觀晉彭真人伉故宅謝康

樂題額曰宗華福地謝

霞山觀在新建縣卽蘭真人祠

謝志

冲虚觀在新建縣葛仙峯之南上有葛仙壇爲葛洪禮

斗處

謝志

陽靈觀在新建縣桃花鄉舊名梅仙觀相傳梅子眞嘗

隱於此

謝志

廣福觀在新建縣西山南舊傳有許旌陽斬蛟劍藏於

石室

謝志

丹陵觀在新建縣象牙潭晉鍾離權修道所舊名鍾王

府明魏良弼講學於此爲丹陵書院後改爲觀

謝志

天寶觀在新建縣西山天寶洞隋仁壽二年建

謝志

開元觀在新建縣修仁坊舊有唐滕王元嬰碑文爲眞

人萬振作久廢

國朝康熙四年知縣魏雙鳳重建謝志

龍興觀在省城德勝門外唐神龍開賜額謝志

龍山觀在新建縣天寶洞西南舊名五龍洞胡真人慧

超嘗立祠為祈禱之所謝志

道德觀在新建縣宋建後廢入貢院觀移永甯寺後謝志

玉虛觀在德勝門外唐觀察使路嗣恭故宅宋立宗濂

精舍元為新建縣學後廢為觀至正十二年兵燬道士

戴真空重創明永樂中重修謝志縣志曰宋城上其城五

十步其址廣三十丈而從倍之蓋唐開元二年管轄都

提點揭公野拙所建始名開元觀歷五代至宋建炎年

閒因移城池有提點蕭公竹軒於修仁坊得本郡周知

府捨地一區立為觀宇以度徒屬亦曰開元觀即今之

開元觀是也後竹軒復歸祖地建立殿堂以奉元天上

帝之祀遂改其額曰玉虛觀至正壬辰之後鞠為荆榛

癸卯道士戴真空始即其故處希瓦礫剪蕪翳重創室

而化時年八十有二，人皆異焉。其後道士陳自然募眾作三清殿，將暨訖，工奄忽而逝。旣而道士羅素行與其徒羅道從同心協謀，造玉皇寶閣，法堂廊廡，總樓三門，寮舍庫庖，以次畢備。及今，先後三十餘年，而土木給事，煥然一新。棟宇宏麗，丹碧照耀，誠元門之盛事。江右之偉觀也。今素行之弟子涂省躬，承詔至京，師纂修道藏經典，開謁余，請備書其事，以記惟老氏以虛無清淨之說為教學其道者，惟欲脩然仲舉、蟬蛻、行濁期以超越溟滓之外，而世之所以崇其侈靡、殫財竭力，以致飾於其宮宇者，豈為教之意哉？蓋歷世既遠，其法滋盛，斯民之所以嚮仰而崇信之者，益眾，則非有高壯奇偉之居，以棲神靈而宣教法，抑何以稱斯民之瞻望哉？然而干戈煨燼之餘，嗣其教者非得瑰傑通敏之士，以扶植而振起之，則斯民雖欲致其皈依，瞻奉之誠，有弗可得矣。南昌為江右會省地，靈人傑著於古昔，開元觀肇自盛唐，歷至宋始改玉虛之額，於是其徒適有若真、空、自然、素行、道從輩，倘儻奇邁相繼而作，卒能使輪奐重新，悉復其舊，其徒旣得所棲止，而天帝羣神之靈皆有所憑，依斯民之徒，旣得所崇而祈禱者亦莫不有所利益，此豈非所謂瑰偉而奇特者有以闡揚其教而然歟？用是具書其本末，俾刻於石，庶幾後人得所考焉。

翊貞觀在新建縣梅嶺西南有二松相去五尺合爲一

幹號義松

謝志

玉真觀在新建縣烏晶隱士劉玉棲真之所內有玉真

壇

謝志

紫清宮在新建縣洪井張氤棲真之所唐乾元中建初

名應勝宮有肅宗遺像宋改今名

謝志

黃堂隆道宮在新建縣松湖舊名黃堂觀相傳譙母擲

茅爲識許吳二真君尋飛茅止處建黃堂祠以祀譙母

黃堂者母丹陽居名也

謝志

南極長生宮在新建縣西山蕭峯下明宣德七年甯獻

王建奏請賜額

謝志

白鶴觀在豐城縣西門內嚴家山卽仙人甘戰修煉之

所唐高宗賜額

謝志

烏石觀在豐城縣烏石岡一名至德觀唐道士萬石泉

建謝志

崇仙觀在豐城縣二坊十都相傳晉真人曾亨煉丹之

所宋道士朱肖庵建謝志

仙林觀在豐城縣會昌鄉晉尹真人道場謝志

梅仙觀在豐城縣宣風鄉宋元豐五年封壽春真人紹

興中加吏隱上有禮斗壇煉丹井甘露臺雨花石謝志

呂大防梅壇詩封事悠悠卽挂冠蒼崖古木鉢空壇當
時不作蓬萊客祇作南昌一尉看況志甯詩上疏歸

來事可嘆嶺頭誰爲繫星壇先生
不食炎漢祿自食松花當晚餐

勝靈觀在豐城縣大順鄉宋道士張慶齋建謝志

招雲觀在豐城縣正信鄉宋道士張堅建謝志

興雲觀在豐城縣興仁鄉元建謝志

冲靈觀在豐城縣興仁鄉元道士游希元建謝志

三寶觀在進賢縣九都面大湖陞沙麓相傳仙人跨鶴

而下有石棋古劍銅鐘謝志

鶴仙觀在進賢縣介岡里謝志

崇真觀在進賢縣折桂坊舊名太霄又名藏山明知縣

原作學使誤時黃汝亨重修謝志黃汝亨記江右白

教行而老氏之宮十居六七釋氏不敵也鍾陵寺與觀

亦稱魯儒之政邑民人多有道教亦差勝城以內惟白雲

海智寺稍宏觀其宮而聚瀾市巷庶幾出文明門迤

而東有所謂崇真觀者踞山麓之僻其高則香鑪紫霄

環而帶也其中則林木蒼鬱而蒼蒼去市不遠大饒元

藏嘉祚所施也有攸游井一白玉蟾煉丹於此王郭諸

仙觀益扶掖而至者代亦不乏宋乾道有戴道士登己

五進士累官尚璽卿兼重建有碑有製我朝自嘉靖甲

辰燬而後新三清祖師二殿道眾廊房可三十餘舍今

且劉蒼蘇而類風雨矣山田以墾矣於豪而閭巷俗子弟
幾則寄生飽則歸去教益以墜矣觀與學宮相邇予
每釋奠先師與諸生論文之暇時過而憩焉因為之慨
然太息曰人能宏道非道宏人信乎哉名山仙蹟耳目
所未歷而荒落於兵燹荆榛之間者何可勝道昌黎氏
為火其書廬其居之說益以扇俗士而沈痼其疾無賴
子且以為是託宿廬地則真入清淨之居鍾陵遂不
得而有之乎於是召坊里父老討其故而一新之汰其
道而淫者清其產之轉徙而乾沒者毀宇廊舍加庀焉
還舊觀而止山前峙大樹為門而榜之曰咫尺元門月
下小坐蒼翠四落則余所創也余捐俸之錢十之一而丞
胡君來貢向道有幹濟才所捐助十之三四工竣於乙
巳仲夏不可無
記以託日月

麻姑觀在進賢縣四都麻山記

昭德觀在奉新縣治西二百步舊名閭業劉道成故宅

也梁大同中始建觀祀之唐末燬道士徐守正興復南

唐時胡仲堯重修徐鉉碑記昭德觀西晉邑人劉顓君

刺史營心仙術淡志名途故真君俞張丙之祿追茅許
之風單車還鄉勤行不息以手嘉二年八月十五日舉

貞	中	嘉	道	是	賦	箴	胡	臺	峙	君	廟	真	靈	居	不	舉	以	乃	泯	自	馮	同	族
大	祥	二	藏	與	輪	易	君	尚	此	知	齊	福	肅	室	虔	造	創	春	土	是	水	中	上
師	符	年	記	刻	交	此	州	在	仙	幾	賢	如	穆	廚	民	訓	精	殊	德	仙	清	乃	昇
熊	元	月	新	頌	午	類	閩	不	祠	其	之	是	不	康	將	高	廬	庭	既	遊	冷	建	謫
元	年	成	吳	貞	貝	宇	之	見	章	神	志	可	可	延	安	土	入	微	之	環	為	爾	福
澤	改	天	縣	珉	國	化	英	芝	江	建	云	為	狀	衰	仰	胡	室	悲	羣	其	觀	鄉	鄉
來	元	隱	之	承	視	為	英	英	之	爾	耳	日	周	於	君	弟	間	方	載	域	山	依	
主	賜	梁	闕	規	錄	殊	猶	分	濱	侯	其	芳	始	是	仲	子	有	遭	社	煙	坐	然	
觀	今	大	同	終	惟	庭	道	蘭	華	社	銘	金	且	舉	堯	就	道	難	國	始	蔭	舊	
事	額	同	元	古	仁	乃	映	家	表	上	日	石	百	時	以	經	元	城	有	朝	洪	趾	
支	及	元	西	宋	祥	符	符	傳	佳	為	帝	垂	區	興	為	吳	都	復	市	竹	井	錦	
傾	建	其	晉	祥	符	元	元	義	氣	桑	田	道	三	後	集	紹	溫	陵	三	樹	備	帳	
鹿	炎	地	劉	符	元	年	年	歸	影	已	維	無	尊	昆	靈	預	徐	之	移	青	雲	下	
漏	紹	為	真	元	年	賜	賜	賢	恩	故	得	名	卑	得	之	館	守	悲	城	意	華	降	
慨	興	間	人	年	今	今	今	歸	如	舊	之	乎	成	好	功	新	能	多	之	然	林	王	
宇	火	業	道	年	額	額	額	誠	將	井	甘	道	精	道	意	凡	能	多	之	人	苔	焉	
復	不	觀	成	今	額	額	額	王	有	難	棠	之	益	精	精	嚴	恭	茂	之	境	當	梁	
整	續	皇	煉	今	額	額	額	闕	待	澤	之	益	益	精	精	堂	真	除	其	之	其	大	
乃	逮	朝	丹	今	額	額	額	奉	彼	高	人	益	益	精	精	門	科	之	不	之	其	大	
圖	建	大	永	永	永	永	永	金	美	高	人	益	益	精	精	門	科	之	不	之	其	大	

工部局志卷三十二 勝蹟略

三

道藏鳩工弗克唐若仲陳端一承之嘉定十有一年藏
成建偉輩聚寶輪飛動鏤華飾金昆於他所屬記於余
夫日昃而晝月於而夕天地之輪也谷祖而暑秋祖而
寒四時之輪也精氣為物游魂為靈死生之輪也斗北
而虛斗南而盈萬物之輪也大道萬於一輪上民觀聽
醒然有覺知二氣周流洪鈞不息一元轉運其機不停
推去諸惡挽回萬善尸居而龍見淵默而雷聲神動而
天隨超出乎醢生夢死而融天地四時萬物為一神與
無方易與無體則輪乎輪乎枯木云乎哉一動一靜互
為其根陽變陰合而金木水火土生焉生不生弱強環
無始則太極之妙同此一機闕也同此一樞軸也世界
可藏於一栗山川可炙於一鐃是藏之立乾不可以旋
乎坤不可以轉乎形而下者氣也形而上者道也藏也
者其形而下者乎端一赤城人也蔡月霞傲司馬子微
之遺風形而上者其明洪武成化間相繼修志
明徵焉以緝真覺

葆真觀在奉新縣從善鄉舊名尹仙觀相傳尹仙煉丹

於此宋大觀元年賜今額

謝志

景雲觀在奉新縣建康鄉舊名拔茅觀宋治平中賜今

額明洪武閒道會章志德重修

謝志

立雲觀在奉新縣陶仙山舊名陶仙觀陶安公故宅也

宋治平二年賜今額明洪武三年里人潘亦清修謝志

延真觀在奉新縣十九都觀側有鎮蛟石相傳許吳二

真人逐蛟入穴以巨石書符鎮之謝志謹案于夾正

唐鎮蛟石陶宋延真觀錫柱銘胡世將書

景福觀在奉新縣南鄉陶安公二女沖舉之地舊名會

仙觀宋治平中賜今額明洪武五年道士熊持用重建

成化十八年里人胡憲修

國朝乾隆四十六年僧達空嘉慶十五年僧源湖廣惺相

繼修謝志

崇虛觀在奉新縣南鄉舊名崇靈卽東白源道書第三

十六福地劉道成飛昇處也宋政和中賜額謝志

柏林觀在奉新縣北鄉許真人獲劍於此畫地出泉以療疾宋熙甯中賜額明洪武間道會李心易復建成化開邑人胡正德改卜其地尋廢

國朝乾隆五年邑人魏士宗尋舊址得湮井重建

謝志縣志

大元觀在奉新縣新安鄉舊名崇真觀相傳許旌陽葉元師煉丹於此宋熙甯二年賜今額後王同至重修

謝志縣志

志

縣志

真常觀在奉新縣新興鄉越王山舊名招仙觀卽文簡吳彩鸞跨虎地宋治平中賜今額明洪武元年道士彭

秋遠修

國朝康熙九年道士張含貞重修

謝志縣志

棲霞觀在靖安縣西永恩坊晉女冠劉懿真得道處亦

名

劉仙觀宋治平間改今額一名華車觀謝志

崇元觀在靖安縣西棠棣都葛仙山之西舊名甘仙觀

本許旌陽弟子甘真人故宅謝志崇元為二觀謝家謝志列甘仙從縣志所

入崇元

登真觀在靖安縣西益田都晉許旌陽逐蛟過此有試

劍石遺蹟謝志

凝禧觀在靖安縣北熊仙都後周顯德元年建明洪武

初道士馬文元重建謝志

集仙觀在靖安縣忠夏鄉明永樂九年建謝志

吳仙觀在武甯縣晉吳猛得仙處謝志

精靈觀即丁仙觀在武甯縣遼山之東謝志

甘泉觀在武甯縣昇仁鄉謝志

玉清宮在武甯鍾鼎山下舊名冲和庵宋徽宗敕建謝

甫最山川勝處西北為九宮故瑞慶宮出武

雲表蓋吳楚相入處也九宮故瑞慶宮出武

里曰鍾鼎山上圓鏡下廣俯尊壯緇名與實對

翠瀑中有平曠可栽可種藥履者相傳為小洞天往時

道士趙道昌與其徒結茅種藥履者相傳為小洞天往時

或採芝而隱丹田寶鼎易寒暑不變而深得吐納之妙

者紹興間庵名冲和僅戶賦登載版籍粵有瑞慶宮

道士余大珏去郢之京山萬歲觀嘉熙丙申戎馬侵軼

親毀於兵脫身干戈抱御書與達於修水大珏之居里

里人嘉其誼相與謀曰飛爾書宜與此山發幽光復星冠

羽衣去鋒鏑留與朴值偃神人歡附則明然曰莫就於

以此為冲和庵章余書影藏山數顧未有以表崇教之

斯不啻足矣矣章余書影藏山數顧未有以表崇教之

實或謂武甯舊有玉清萬壽宮後廢已久祇存空名以

御書故揭吳王清易冲和於事稱博諷羣言願議允合

連帥尚書吳公兼潛事邑令從民以請臺府亦弗之違

夫玉清無故阻無所存唯宣和間敕宣道士朱德

英住持之文猶為好事者寶之山川炳靈弗能終社

項由西鄂出峽頭至陽山川獨自以爲勝隨蹀東南

沅湘閩吳越在在登臨幻若天巧乃知山川絕佳處

巫峽不啻也戊戌朝廷命開藩南服因得分漁樵半席
於水天一色之境已亥蒙恩界商開與道家者流談黃
老修貞之術道士桂希卜理前致其師大抵以清口由
鄧而來囊鉢無有惟先朝埃壘與俱今移玉清以稱安
奉非視此夸也昔先皇帝親灑宸翰大書特書長生萬
壽之觀弁尚方所製錦旛六首用此隆賜展煙赫烈竭
厥以奔不爾已爲劫火空矣願求記文紀頤末以詔於
後也因說之曰御書弗貶於郢之兵燹大郡知敬君也
玉清久廢而不淫山川之靈有待也沖和由庵而宮昔
植立有待偶然機會之相遭而卒至於相成若有時人
符券者此其欲慰書傳歟大抵從老子教能不忘夫君
已而又能慰其親於遼年溫清之隆敬其師黃元瑞如
其親可謂賢也希程汲汲求不負其師之志是亦賢於
由鄂復德安焚修任劇誥賜宏教大師旌其勞也

朝元宮在武甯縣治東明倫坊卽上清觀後煥明嘉靖
元年知縣陸浚重建

國朝順治初兵燬道士章化麟等興修復廢今西改爲義

學東更建旌陽祠

謝志
縣志

靈濟法院在武甯縣治南飛鳳山上宋章真人煉丹處

謝志

明山觀州志作寺在義甯州崇鄉元聖正四年建嘉靖間陳

氏復修謝志

丹霞觀在義甯州奉鄉為神烈真人吳猛故宅號紫雲

府謝志州志元祝彬記丹霞觀在龍興路甯州之

七十里有廢觀舊址曰真元真元距真元五里而近有觀曰

丹霞父老相傳曰真元乃昔西安令吳猛故宅丹霞乃

其煉丹之所當時鑪鼎之上常有霞光燭空後羽士創

像以祠遂以丹霞名焉按東晉藝術傳吳猛豫章人少

有孝行年四十邑人丁義始授以神術嘗不假舟楫以

羽扇畫豫章江而渡觀者異之吾觀陶隱君修登真要

訣以擇地立館為先務今鄉名奉仙里名吳仙流傳遐

邇匪今伊始豈非擇地立館丹成登真遺蹟史傳略而

未備歟在宋政和妄崇元教特封神烈真人語詞謂大

江之西尚存故宅蓋指真元遺址而言也惟茲丹霞形

勢特異內寬外密自為一區平田中卓立三山如覆錦

釜山下平洋延袤龍盤昂首一溪界其旁紫紆如綽遙

岑列嶂層立開出每大明東昇雲氣解駁羣山縉紛軒
翳呈露前有神嶺猶在空濛杳靄開久乃示視蓋圖畫
之所不能寫真一方之勝境也立館之初莫記年代中
更劫火莽為荒墟宋紹興十年歲次庚申道士高執中
游思補仍舊基立館於時民之疾疫歲之水旱有禱輒
應蓋廟韓迪功瓊為之記今刻梓樞猶存自宋紹興庚申
至景定甲子累傳而得道士棲雲黃公至元戊寅綠林
挺亂民居兵燹觀獨無恙棲雲保穀之力居多又歷甲
乙五傳而明齊鄭公繼之聚財營繕經十九年心不退
轉於是修文昌閣設丹井建正殿及聖像重新方丈與
鐘樓鼎創題扁煥然昇耀奪目以泰定丙寅下元落成
是日也轉法輪奏璈演真詮步虛之聲與松風澗水
相為揚抑祥雲繞空白鶴翔舞旁觀踴躍古今未有咸
嗟嘆曰異哉此景非人世間也顧茲觀重興於高游二
公歷一百八十六載至明齋鄭公然後完美非其才志
之過人能如是乎後之羽流於斯安居而暇食誠能養
粹保初於五千言而有得焉則刀圭入口自
日羽翰蓬萊瀛洲不在蓬海而在丹霞矣

凌霄觀在義甯州高鄉卽磨劍池

謝志

旌陽觀在義甯州仁鄉舊名得日觀在旌陽峯下

謝志

李質得日觀東房詩曾入桃源路桃源信少雙洞霞標
素練壁薛盡陰窗古木疑撐月危峯欲墮江自吟空向

卷一百二十一 寺一

寂誰與倒秋缸 宋章鑑送道士歸得日觀用唐襄陽

李質韻詩風月詩幾卷江湖屐一雙斷蛟懷劍石跨鶴

叩禪窗土潤巖生雨林幽寺隔江歸常訪仙隱相對酒盈缸

儀翔宮在義甯州仁鄉鳳山之麓晉有王光壇許旌陽遊息之所明洪武二年道士劉日新重建

國朝康熙十六年任暄獻重修 謝志以南昌府